

明崇川陳寶功著

吳江徐大椿靈胎評

海甯許樹辛木訂
蔣光燾寅昉校

傷寒發頤第四十七

傷寒發頤亦名汗毒此因原受風寒用藥發散未盡日久傳化爲熱不散以致項之前後結腫疼痛初起身熱口渴者用柴胡葛根湯清熱解毒患上紅色熱甚者如意金黃散敷之初起身涼不渴者牛蒡甘桔湯散之患上微熱不紅疼痛者冲和膏和之腫深不退欲作膿者宜托裏消毒散已潰氣血虛弱食少者宜補中益氣湯以此治之未成者消已成者潰已潰者斂用之最穩

徐曰此段所用之藥俱切病此症宜辛涼疎散最忌大寒

柴胡葛根湯

柴胡葛根湯花粉
石膏升麻併桔梗
甘草連翹牛蒡子
傷寒頤毒用之靈

治頤毒表散未盡身熱不解紅腫堅硬作痛者

柴胡

天花粉

乾葛

黃芩

桔梗

連翹

牛蒡子

石膏各一錢甘草五分

升麻三分 水二茶鍾煎八分不拘時服

徐曰此症主方惟石膏花粉爲寒凝之品初起禁用

牛蒡甘桔湯

牛蒡甘桔湯赤芍
花粉黃連蘇木陳
加上川芎食蘆服
傷寒頤毒即時平

治頤毒表邪已盡耳項結腫微熱不紅疼痛者

牛蒡子

桔梗

陳皮

天花粉

黃連

川芎

赤芍

甘草

蘇木各一錢

水二茶鍾煎八分食後服

徐曰卽前方意

傷寒發頤應用方

如意金黃散

托裏消毒散

冲和膏俱見腫門

補中益氣湯

見腫門

癩發第四十八

痲發乃天時不正之氣所感而發非毒內作也此患多生於手足掌心或腰腿○下伸縮之處漫腫無頭憎寒發熱四肢沉重煩渴爲甚以上六句徐逐句斷初起宜服萬靈丹發汗解表腫乃不消者必欲作膿托裏消毒散兼蠟礬丸間服以後俱照潰瘍法治

徐曰此症人多不識各人自造一說用藥亦各人各樣雜藥亂投往往致死而人總不知也 又曰此等最難識乃濕熱之症即所謂無名腫毒也以消痰利濕爲主

痲發應用方

萬靈丹 托裏消毒散

蠟礬丸俱見腫毒門

瘰癧第四十九

瘰癧一名蛇瘡川廣烟瘴地面有之初出先作紅點次變黑色腐爛筋骨小者如粟如豆大者如梅如李發無定處初用蟾酥餅膏貼寒熱交作者黍米寸金丹或飛龍奪命丹亦可紅腫遊走不定者眞君妙貼散加雄黃敷之自然截住破後脾胃虛弱食少乾嘔者補中益氣湯加黃連麥冬補而不應腫高疼甚惟出清水穢汁者不治

徐曰此症江浙所無

瘰癧應用方

飛龍奪命丹即蟾酥丸加金頭蜈蚣二條

黍米寸金丹

眞君妙貼散見腫毒門

補中益氣湯見腫毒門

小腹癰第五十

小腹癰乃七情火鬱以致脾虛氣滯而成其患小腹漫腫堅硬肉色不變有熱漸紅者屬易陽治無熱不紅者屬陰難治初起七日以前用艾當腫頂灸七壯膏蓋首尾內服健脾胃養氣血行經補托之劑可保終吉如誤用剋伐攻利涼藥者敗症必出十全大補湯倍加參耆薑附以救之此句徐勅批曰亦是靈藥不可內腐深陷者玉紅膏長

肉收斂補托不應者雖愈終久成漏

小腹癰應用方

十全大補湯

玉紅膏俱見關

徐曰以上有症無方者即于諸症之中擇其切病者用之可也

鶴口疽五十一

鶴曰疽乃三陰虧損督脈之經濁氣濕痰流結而成其患發在尾閭之穴高骨頭尖初起形似魚胞久則突如鶴嘴朝寒暮熱日輕夜重潰後稀膿出而無禁又或鮮血出而不停凡發此者壯年猶可老年可慮初起宜滋陰除濕湯和之已成未潰者和氣養榮湯托之潰而不斂者滋腎保元湯補之久而成漏者琥珀蠟蟾丸兼先天大造丸服之甚妙

徐曰因各不同不僅三陰也

滋陰除濕湯

滋陰除濕湯知母 白芍芍歸熟地芍骨皮貝母兼澤瀉 還有甘草與柴陳

治鶴口疽初起朝寒暮熱日輕夜重如癰等症

川芎

當歸 白芍

熟地各一錢柴胡

黃芩

陳皮

知母

貝母各八分

澤瀉

地骨皮 甘草各五分

水二茶鍾薑三片煎八分食前服

徐曰此通治之方不切此症 梘案熟地徐勒

和氣養榮湯

和氣養榮湯朮香 參耆熟地共陳皮丹皮當歸併甘草 沈香一味用亦宜

治前症已成不得內消者宜此藥托之

人參

陳皮 白朮

黃耆

茯苓

丹皮

當歸

熟地各一錢

沈香

甘草各五分

水二茶鍾煎八分食前服

徐曰破後膿多可服

滋腎保元湯

滋腎保元湯杜仲 參耆朮附桂丹皮 桑葚熟地總地施

治前症元氣虛弱膿水淋漓久而不斂者

人參 黃耆 白朮 茯苓 歸身 杜仲 山萸肉 丹皮 熟地各一錢

附子 肉桂 甘草各五分 水二鍾薑三片棗二枚蓮肉七枚食前服

徐曰此方亦太豐

嚙口疽應用方

琥珀蠟鑿丸 見腫 先天下造丸 見腫 傷門 注門

龍泉疽虎鬚毒五十二

此二毒乃任督二脈分合行布驟被外邪所搏而成龍泉疽發在人中之間虎鬚毒生於地角之上初起疙痞

次生腫痛漸發寒熱甚者惡心乾嘔腮項俱腫此穴忌灸 此句 徐曰初起宜線針挑破患頂 此七字徐曰批 曰獨此症當挑 以蟾酥餅

放上膏蓋使毒有門而泄四邊掀腫用如意金黃散圍之內有表症者荆防敗毒散加芩連牛蒡子裏症內

疏黃連湯已成欲其作膿芎歸內托散膿成脹痛者針之 此七字徐曰批 曰膿成乃可針 即愈潰膿後只宜膏藥換貼其口易

完此症多於元氣壯實者故多不必服藥自愈

徐曰此等症近于疔毒當以治疔之法治之

芎歸內托散 芎歸內托散陳皮 枳梗花粉生黃耆 茯苓甘草銀花等 虎毒龍泉服最宜

川芎 當歸 陳皮 茯苓 天花粉 枳梗 銀花 黃耆各一錢甘草五分

水二茶鍾煎八分食後服

徐曰此方亦平安

龍泉疽虎鬚毒應用方

如意金黃散 內疏黃連湯 見腫 傷門 荆防敗毒散 見腫 傷門

石榴疽五十三

石榴疽者乃少陽相火與外濕相搏而成其患生在肘之三寸曰此亦奇證

紅堅硬腫如覆碗皮破泛出壘如榴子令人寒戰猶如重瘡初起即灸九壯此句內服蟾酥丸發汗以解癰

毒灸頂上蟾酥餅貼之膏蓋掀腫處金黃散敷之內服菊花清燥湯琥珀蟾丸煩躁熱甚者護心散金液

戊土丹九日後患上作膿稠黃疼苦稍減表裏症退飲食微進者可保無虞反此為逆潰後元氣虛弱雜症

相兼者照癰疽調理法治之

徐曰此症初起易忽已成則無人能識此篇治法最良

菊花清燥湯菊花清燥湯生地 知母 芍歸 地骨皮 紫草 甘草 升麻等 犀角門冬 白芍宜

甘菊二錢 川芎 當歸 知母 貝母 白芍 生地 麥門冬 地骨皮各一錢

升麻 犀角 甘草 柴胡 黃芩各五分 水二茶鍾淡竹葉燈心各二十件煎八分食後服

徐曰此病主方

石榴疽應用方

蟾酥丸見疔瘡門 琥珀蟾丸 護心散 如意金黃散俱見腫瘡門 金液戊土丹見脫疽門

穿踝疽第五十四

穿踝疽乃足三陰濕熱下流停滯而成初起內踝腫痛疼徹骨髓舉動艱辛甚則串及外踝通腫有頭者屬陽

易破無頭者屬陰難潰此二者初起必寒熱交作宜荆防敗毒散加牛膝散之日久膿成脹痛者針之腐而

不斂孔大者玉紅膏培之形體虛弱者補之此症若不早治久成廢疾

徐曰治法總與諸症同擬用木瓜赤苓澤瀉獨活防己甘草黃柏蒼朮連翹牛膝威靈仙槐米赤芍川萸薔

等藥為治

穿踝疽應用方

外

科

正

宗

卷十石榴疽 穿踝疽 大風風

三

荆防敗毒散

見時

玉紅膏

見腫

大麻風第五十五

大麻風乃天地間異症也但感受不同有體虛之人因驟被陰陽暴曬露風雨之氣所侵感之不覺未經發泄凝滯肌膚積久必作有房慾後體虛為風邪所襲或露臥當風睡地或洗浴乘涼希圖快意俱能致之其患初起麻木不仁次發紅斑久則破爛浮腫無膿其症最惡故曰皮死麻木不仁肉死刀割不痛血死破爛流水筋死指節脫落骨死鼻梁崩塌有此五症俱為不治又曰心受之先損於目肝受之面發紫泡脾受之偏身如癱肺受之眉毛先脫腎受之足底先穿又為五敗症也總皆風濕相乘氣血凝滯表裏不和臟腑塞陽火所變初起麻木不仁肌肉未死者宜萬靈丹洗浴發汗以散凝滯之風後服神應養真丹加白花蛇等分久服自愈年久肌破肉死者先用必勝散疎通臟腑次服萬靈丹每日酒化一丸通活血脈服至一月換服苦參丸輕者半年重者一載漸愈或兼服酒藥戒房事厚味動風等件可保不發

徐曰此症總屬不治遷延歲月則有之然患此者絕少若稍似風症並非真風醫者竟以治風之惡藥牆治之反傷敗氣血變成風症此等最多不可不知 相案王君士雄謂此證粵閩江右甚多內因淫火蘊毒熱極生風外因山嵐惡障毒風交互之邪愈理初癸已類稿與梅瘡同論得其旨矣徐氏以為絕少但指江浙言也

萬靈丹

見腫

治大麻風初起麻木不仁或既久皮膚破裂手足拳攣肢體不便但未指脫足穿者

必勝散

必勝散中用大黃

白牽牛各一錢五分

治大麻風血熱秘結臟腑不通宜用此藥利之

大黃

檳榔

白牽牛

各一錢五分

右各為細末年壯者作五服中年久虛者作七服用生薑四

兩搗汁赤砂糖三錢加水一大杯三味和勻臨睡時腹中稍空頓溫通口服之即睡至三更偏身麻木如針刺頭目齒縫俱痛此藥尋病之功已通行出大小二便或青白黑黃又或紅蟲之類此乃病根也一月內服

藥三次沖瘡屑髮生朋膚如膏肉纏有丘宜凍後藥

徐曰大麻風本無愈理如此峻劑徒傷人耳

激藥方 激藥方中藥二般 黃連實衆各三錢 水煎加入些冰片 齒縫何愁血似泉

貫衆黃連各三錢水二茶鍾煎至一杯加冰片少許每日陸續漱之其

血自止忌動風油膩之物

苦參丸 苦參丸內藥多般 品味難將一一刊 新久麻風諸壞證 勸君久服自能安 治大麻風毋分新久穿破潰爛老幼俱可服之

苦參一斤 大楓子肉 六兩 荊芥十二兩 防風 白芷各六兩 全蝎 何首烏 白附子 枸杞子

威靈仙 當歸 大胡麻 川芎 蒺藜 大皂角 川牛膝 牛蒡子 獨活各二兩

蔓荊子 風藤 羌活 連翹 蒼朮 天麻 杜仲 草烏泡去皮尖 甘草各二兩

人參一兩 杏仁二兩 白花蛇二兩切片乾 右藥共爲細末醋打老米糊爲丸梧桐子大每服三四十九

溫酒食前後任下避風忌口爲妙

徐曰此症主方其用藥總不外此然服之亦未必得效也僅能殺其大勢耳

麻風藥酒方 麻風酒用歸防朮 僞靈苦杞羌羌活 蕁麻子與白茅根 監甲虎骨併牛膝

防風 當歸 虎骨 秦朮 羌活 苦參 牛膝 僵蠶 松節 龜甲

蒼朮 枸杞子 白茅根各三兩 蕁麻子仁一兩 用好雪酒二十五斤將袋盛藥浸酒內封壇口煮香二

枝取起水內浸一伏時取服數杯自效

徐曰亦可備用

雄硫散 雄硫散內風風皮 山甲相兼滑石宜 桃肉共和豬膽汁 層毛脫落此堪醫 治大麻風毛鬚髮脫落作癢者宜此藥擦之

雄黃 硫黃 鳳凰皮即雞殼燒黃 存性各五錢 穿山甲十片滑石一兩 炒黃 右各爲細末用半油核桃肉一兩

搗爛同公猪膽汁一個并煎藥和勻用青紗包藥擦之日用三次其髮漸生如舊

徐曰未必有效

又擦麻風病面生紫塊疙瘡方

穿山甲

煨存性 研末

川椒

炒研末 各二錢

翻花瘡第五十六

翻花者乃頭大而帶小小者如豆大者若齒無苦無疼搥損每流鮮血久亦虛人以津調冰蠟散徧搽止面上

用軟油紙包裹根蒂細處用線連紙扎緊十日後其患自落換珍珠散搽之收口又有根蒂如鼈頭棋子樣

難扎以前藥搽上用麵糊綿紙封上二重用心勿動十日外亦落換珍珠散

徐曰此又一種最輕者如真翻花大如杯碗膿血淋漓無藥可治乳巖即此類也 又曰楊梅毒亦有此症

翻花瘡應用方

冰蠟散

見蠟 搥門 珍珠散 見下 搥門

腋癰第五十七

腋癰俗稱夾癰此肝脾二經為患肝經血滯脾經氣凝共結為腫初起皮色不變漫腫無頭日久方疼乃生寒

熱此患難消終必作膿未破者柴胡清肝湯已破者十全大補湯去肉桂加香附陳皮軟腫脹痛者針之膏

貼徐曰無膿 亦可不針此症首尾溫補忌用寒涼

腋癰應用方

柴胡清肝湯

見脫 痘門

十全大補湯

見瀉 痘門

脅癰第五十八

脇癰多從鬱怒肝火而發肥胖內實者鮮此症初起宜梔子清肝湯柴胡清肝湯解鬱瀉火已成托裏消毒散

加青皮香附膿已成即針之勿傷內膜此句 徐曰已破後八珍湯加丹皮山萸澤瀉兼滋腎水如虛勞所得破流

臭水敗腐稀膿補托不應者死

徐曰與腋癰同治

脇癰應用方

托裏消毒散見腫瘍門

梔子清肝湯

柴胡清肝湯俱見腫門

八珍湯見腫門

鼻痔第五十九

鼻痔者由肺氣不清風濕鬱滯而成鼻內瘰肉結如榴子漸大下垂閉塞孔竅氣不宣通內服辛夷清肺飲外

以礞砂散逐日點之漸化為水乃愈兼節飲食斷厚味戒急暴省房慾庶不再發

徐曰此症服藥為輕外治為重如別有他恙乃宜服藥

辛夷清肺飲

辛夷清肺飲百合 梔子麥冬生石膏 甘草升麻及知母 枇杷葉用須去毛

治肺熱鼻內瘰肉初如榴子漸大下垂孔竅氣不宣通者

辛夷六分黃芩

山梔

麥門冬

百合

石膏

知母各一錢甘草五分枇杷葉去毛

升麻三分 水二茶鍾煎八分食後服

徐曰此症主方辛夷辛溫宣散上焦風熱

礞砂散

礞砂散內用雄黃 冰片再加輕粉瓦 為末將來痔上點 鼻中瘰肉自然光

治鼻生瘰肉初如榴子漸大下垂名為鼻痔也

礞砂一錢輕粉三分冰片五釐雄黃三分

右共為末用草結咬毛齏藥動點痔上日用五六次自然漸化為

水而愈

徐曰其方甚多此亦可用如葶藶苦丁鹽梅麝香瓜蒂藜蘆甘遂龍骨生砒俱可選用俱可點綿塞亦可

又曰降藥亦妙

取鼻痔秘法

先用茴香草散連吹二次次用細銅筋二根筋頭鑽一小孔用絲線穿孔內二筋相離五分許以二筋頭直

入鼻痔根上將筋線絞緊向下一拔其痔自然拔落置水中觀其大小用頭胎髮燒灰同象牙末等分吹鼻內其血自止戒口不發

徐曰此乃手法但痔形不一有根在鼻梁之內將鼻塞滿從何處拔取法不必學

回香草散同香草散有奇功 加上真薑二味同 為末共吹鼻痔上 取如拾芥一時通 回香草高長薑晒乾等分為末用此先吹鼻痔上二天片時許方行

取法其痔自然易脫

骨槽風第六十

骨槽風初起生於耳前連及腮項痛隱筋骨久則漸漸漫腫寒熱如瘡牙關緊閉不能進食此得於鬱怒傷肝致筋骨緊急思慮傷脾致肌肉腐爛膏梁厚味致膿多臭穢初則堅硬難消久則瘻口難合此二句 徐曰初宜艾

炙腫頂及耳垂下五分宜灸各七壯膏貼以泄內毒餘腫用真君妙貼散敷之牙關內腫用線針刺去惡

血冰硼散搽之使內外毒氣得解宜服降火化痰清熱消腫之劑潰後當托裏藥中加麥冬五味外腐者搽

玉紅膏使水升火降脾健熱清乃愈又有外腐不合虛熱不退堅腫不消形焦體削則死

徐曰此症以清火消痰為主 又曰此症又有初起並非骨槽瘡口老膿成骨者

清陽散火湯清湯散火湯翹舉 升麻白芷共防癩 石膏甘草牛蒡子 白蒺藜與當歸身 治牙根盡處結腫連及耳項作痛名骨槽風也

升麻 白芷 黃芩 牛蒡子 連翹 石膏 防風 當歸 菊芥

白蒺藜各一錢甘草五分 水二茶鍾煎八分食後服

徐曰此亦通治方

中和湯中和湯中參薯朮 白芷芍藥甘草枳 薑香白芍歸門冬 肉桂選同姜棗入 治前症已經穿潰流膿臭穢疼痛不止者

人參 黃耆 白朮 川芎 當歸 甘草 桔梗 白芍各一錢

肉桂 麥冬 薑香各五分 水二茶鍾薑三片棗二枚臨服入酒一杯食後服

徐曰眾病通用方

骨槽風應用方

眞君妙貼散

玉紅膏俱見匯
齋門

爛散冰見咽
喉門

紫白癩風第六十一

紫白癩風乃一體二種紫因血滯白因氣滯總由熱體風濕所侵凝滯毛孔氣血不行所致皆從外來初起毛竅閉而體強者宜萬靈丹以汗散之次以胡麻丸常服外用蜜陀僧散二擦亦可得愈

胡麻丸

胡麻丸內用防風 靈仙石菖獨活同 苦參甘草白附子 殿風赤白服有功

治初起皮膚作癢後發癩風漸至開大者

大胡麻四兩防風

威靈仙

石菖蒲

苦參各二兩白附子

獨活各一兩甘草五錢

右爲細末新安酒漿泛丸桐子大每服二錢形瘦者一錢五分食後臨臥白滾湯送下忌動風發物海腥煎炒雞鵝羊肉火酒等件愈後戒百日

徐曰此非內症服藥不能取效 梘案大胡麻白附子徐圈

雌雄四黃散

雌雄散用石硫黃 雌雄二黃要相當 權附共研爲末擦 藥殿醋調白酸姜

治紫白癩風皮膚作癢日漸開大宜用此擦之

石黃

硫黃

雄黃

雌黃

白附子

川槿皮各等分

右爲細末紫蠶醋調用堅槿木毛

頭癩藥擦之白癩用薑切開藥擦之擦後三日忌下湯水戒食鷄鵝牛羊煎炒海腥火酒等物不復發

徐曰此方最切近他方總不外此 梘案石黃雄黃硫黃白附子川槿皮徐圈

肥皂方

皂角

甘松

山柰

白芷各二錢蜜陀僧

白附子

樟腦各二錢楮實子

菘豆粉 各三錢

右爲細末用去淨皮弦肥皂一斤搥勻洗擦患處日久自效

又擦藥方

雄黃

硃砂各等分
研細末

右用茄蒂蘸擦患處如白癩加蛇殼同擦

紫白癩風應用方

蜜陀僧散

見汗斑門

齒病第六十二

齒病有風有火亦有陽明濕熱俱能致之風痛者遇風發作浮腫隨後生痛以消風散治之火痛者則齒根必牽扯腮顙陣陣作痛時發時止以冰硼散擦之出涎自愈陽明經濕熱作痛者腮顙浮腫甚者牽引太陽疼連頰頰口中氣熱大便秘結宜涼膈散加石膏治之腫高而軟者內必有膿用針刺破出膿自愈齒齦腐爛出血不止者內服犀角地黃湯外搽人中白散又小兒齲齒疳牙根尖穿出齒根內外芒刺嘴唇作痛用披針挑破牙齦以手取去本牙出血不止以濕紙換貼一三次其血止必兼戒厚味其牙復生如舊

涼膈散

涼膈散中用石膏
黃芩甘草淡竹葉

山梔薄荷共連翹
大黃連四兩朴硝

治陽明經濕熱上攻致牙根腮項作腫多痛者

右水二茶鍾煎八分入蜜三匙和勻食遠服

徐曰此牙痛主方惟大黃當酌用

清中散

清中散用牡丹皮
升麻選與山梔子

生地黃連甘草歸
胃經積熱皆可醫

治胃經積熱牙齒或牙齦腫痛或牽引頭腦作痛或面熱耳紅並皆治之

當歸

黃連

生地

山梔各一錢丹皮六分升麻八分甘草五分

右水二茶鍾煎八分食遠服

華撥散

華撥散用真阿膠
牙蟲風溼並甚擦

麝香冰片同研細
痔關陽明勿迫次

治風濕蟲牙作腫疼痛如陽明內熱發疼勿用

華撥

真阿魏各二錢冰片

麝香各一分

右為細末每用半豆許擦放牙根痛縫中吐去熱涎溫湯

漱之再搽即愈內有阿魏恐防作吐

吐蓋皆為肆中以胡蒜白偽造者所眩未見真品故也余有友人貽以塔爾巴哈臺阿魏精其色黑中帶黃

並不甚臭舐之氣味極清不作惡心乃知真品固自不同江浙去西番萬里而肆中所售阿魏乃甚賤其偽可知極臭傷胃有損無益勿用可也

又牙疼方 牙痛方中君薑椒 蟾酥川椒共為末 飛鹽加入更和研 點上牙根痛如失

真一錢蟾酥二分川椒五分飛鹽三分

右共為末用草精咬毛蘸藥搽點痛牙根上

徐曰方太熱烈

犀角地黄湯 犀角地黃湯芍藥 更兼一味牡丹皮 陽明積熱皆堪服 不獨牙銀血可醫

治陽明積熱牙齦腐爛出血不止及諸吐血衄血嘔血

犀角 鱗

生地

白芍

牡丹皮各等分

每五錢水二茶鍾煎八分不拘時服面色萎黃大便黑

者更宜服之又牙縫中無辜出血者亦妙

徐曰通治方

止血四生湯 止血四生湯荷葉 生艾生地生側柏 用水二鍾煎一鍾 血熱妄行皆可驗

生荷葉

生艾

生柏葉

生地黃各三錢 水二鍾煎一鍾食後服臨時入童便一杯更妙

徐曰此治一應血熱妄行之要方

齒病應用方

人中白散 見口 疳門

消風散 見疥 疳門

腦漏第六十三

腦漏者又名鼻淵總由風寒凝入腦戶與太陽濕熱交蒸而成其患鼻流濁涕或流黃水點點滴滴長濕無乾久則頭眩虛暈不已治以靈香湯主之天麻餅子調之亦可漸愈如日久虛眩不已須補中益氣湯六味地黃丸 此二方徐勣 批曰不切 相間服之以滋化源始愈 梟案王君上雄謂風火外侵膽熱上移胃濁上薰皆成鼻淵若

腦漏乃本元不固所流腥水黏而不稠煩勞即發治宜補攝與鼻淵同流異派須分別言之

奇授靈香湯 古有奇授靈香湯 專治鼻淵濁涕長 治鼻淵黃水濁涕長流致腦戶虛眩不已用靈香連枝帶葉者五

錢水一碗煎七分加公猪膽汁一枚和勻食後通口服之至重者不過三服如此藥苦甚不堪服用靈香末

一兩公猪膽汁熬稠膏為丸每服二錢食後白滾湯送下亦效

徐曰此方甚穩但服者多無效

腦漏應用方

補中益氣湯 六味地黃丸 俱見瘡

破傷風第六十四

破傷風因皮肉損破復被外風襲入經絡 此句 漸傳入裏其患寒熱交作口噤咬牙角弓反張口吐涎沫入陰

則身涼自汗傷處反平陷如故其毒內收矣當用萬靈丹發汗令風邪反出次以玉真散貼之得膿為效如

汗後前症不退傷處不高漸醒漸昏時發時止口噤不開語聲不出者終為死候

徐曰此症總以驅風為主

玉真散 玉真散內用南星 添上防風用已靈 況有芷麻羌白附 破傷風藥此為精 治破傷風關緊急角弓反張甚則咬牙縮舌

南星 防風 白芷 天麻 羌活 白附子 各等分 右為末 三字 每服二錢熱酒一鍾調

服 此句徐 更敷傷處若牙關緊急腰背反張者每服三錢用熱童便調服雖內有瘀血亦愈至於昏死心腹

尚溫者連進二服亦可保全若治風犬咬傷更用漱口水洗淨擦傷處亦效

徐曰此專治風入肌膚之藥以此方為主更隨症加減尤妙其得竅處在為末藥 相案南星等六味徐俱

隨 又案王君士雄云古方玉真散止南星防風二味等分此方一名止血補傷丹以白附子為君宜用十

二兩餘五味各一兩俱生晒勿犯火研細末專治破傷風破傷濕刺犬咬及跌打墜壓刀箭諸傷雖腎子腫

出者亦可救但以藥傳傷處立能止血定痛重者溫酒調服一二錢青腫不破者水調傳之即效并不忌風

故爲金刃跌打最妙之方製備濟人如遇關礙傷者一藥可全兩命且其價極廉已製送多年無不見效小兒跌磕傳之尤便家家宜備也

舊藥丹 見腫 治破傷風牙關急角弓張時昏時止

鑽風散 鑽風散用焙膠 抗粉砂礬末調 每服二錢和熱酒 破傷風症可追遠 治破傷風諸藥不效者在危急者用之必應

鱘膠 切段 焙黃 皂礬 各一兩 硃砂 三錢 微焙 杭粉 焙黃 另研 右爲細末每服二錢無灰熱酒調服如一切猪羊等風發時昏

倒不醒人事者每服三錢二服卽愈不發外灸傷處七壯知疼痛者乃爲吉兆

徐曰此方甚別 又曰此方之義不解

跌撲第六十五

跌撲者有已破未破之分亡血瘀血之別且如從高墜墮而未經損破皮肉者必有瘀血流注臟腑人必昏沈

不醒二便必難當以大成湯通利二便其人自甦不醒者獨參湯救之 此句徐注批曰 尋常墜墮輕者以復元 補住瘀血奈何

活血湯之又如損傷骨節筋斷血流不止者獨勝散止之次用花蕊石散搽之又有跌斷骨節等症另有專

門接骨扎縛此未及詳

大成湯 大成湯用朴硝黃 蘇木當歸甘草 陳皮厚朴紅花等 水通枳殼共煎 治跌撲傷損或從高墜下以致瘀血流入臟腑昏沈不醒大小便秘及

受杖後瘀血內攻肚腹膨脹結胸不食惡心乾嘔大便燥結者

陳皮 當歸 蘇木 木通 紅花 厚朴 甘草各一錢枳殼二錢大黃三錢朴硝二錢

右水一碗煎八分不拘時服服後一時不行渣再煎臨臥服加白蜜三匙亦妙

徐曰此下瘀血不結者不必服 相案蘇木徐圈

調中二陳湯 調中二陳湯防風 蘇木歸身烏藥等 紫蘇青皮蒼朮 檳榔木香紅花同 治前症已服行藥之後當進此藥二三服調之

陳皮 半夏 茯苓 甘草 紅花 川芎 當歸 白芍各八分防風 檳榔

黃菁 桔梗 青皮 烏藥 蘇木 枳實 黃芩 紫蘇各六分本香三分

水二茶鍾薑二片棗二枚煎八分不拘時服

徐曰方雜不可學此等方皆出于前明不知醫理強作解事如薛立齋一輩人遂使古聖製方之法從此大

變可為長嘆

獨參湯 獨參一味宜救急 跌撲金瘡血大出 昏沈不醒人事者 沸之入腹麤可必 治跌撲損傷或金瘡出血過多昏沈不醒者人參一兩切片水二碗煎

一半不拘時通口服之渣再煎服其人自甦再用渣加川米一合煎湯溫服

徐曰如出太多一時發暈或可暫救頃刻非此不得輕用也

花蕊石散 花蕊石散碎檀香 乳沒辛蘇烏木當 羌龍白芷蛇含石 木降香南星粉霜 治跌撲傷損及金瘡刀箭兵刃所傷斷筋損骨疼痛不止新肉不生者

乳香 沒藥 羌活 紫蘇 細辛 草烏 蛇含石 便燥 三次 厚朴 白芷 降香

當歸 蘇木 檀香 龍骨 南星 輕粉各二錢麝香三分花蕊石 童便煨七 次五錢 右共研極細

罐收聽用葱湯洗淨用此糝之軟綿紙蓋托一日一換神效此藥一時未備可用多骨疽門生肌散代之亦

可取效危急也

徐曰此係糝藥內中多不入糝藥之品其方甚無法度另有好方此等不足取也只消滅去幾味遂成方矣

相案蛇含石蘇木花蕊石徐圖

玉紅膏 見腫 露門 治跌撲損傷或金瘡斷損筋骨已經血止疼痛作膿宜葱湯洗淨用此膏日搽傷處黑膏蓋之

金瘡第六十六

金瘡乃刀刃所傷或有磁鋒割損淺者皮破血流而已深者筋斷血飛不住皮破者桃花散糝之其血自止筋

斷者如聖金刀散糝扎止而又流者急用玉紅膏塗傷處膏蓋骨肉方斷斯人面色必黃外避風寒內忌冷

物終保無妨有失血過多者獨參湯八珍湯補助為要此外無法矣

如聖金刀散 如聖金刀散二藥 松香細末更須參 刀傷破損肌流血 糝上應知效不凡 治刀刃所傷皮破筋斷飛血不止者用松香淨末七兩枯礬生礬

各一兩五錢共為極細末罐密收糝傷處紙蓋絹扎止後三四日必掀痛作膿換糝生肌散三日三次其疼即止以後日有葱湯洗之換搽玉紅膏長肉生肌避風為要

桃花散 桃花散可治金瘡 只用石灰與大黃 止血消瘀肌肉長 切忌房事戒無妨 治金瘡出血不止用石灰半升大黃一兩五錢切片同炒石灰變紅色

為度去大黃篩細糝之紙蓋絹扎止血後用葱湯洗淨換搽玉紅膏長肌收斂兼戒口味房事為要

金瘡應用方

獨參湯 百跌 八珍湯 見洪 撲門 傷門

杖瘡第六十七

杖瘡乃良肉受傷有已破未破之分已破肌肉者以清涼枯痛膏敷之疼腫即消未破瘀血內攻者用針放出

內蓄瘀血 此句 徐園 再以大成湯下之便通自愈如傷處瘀腐已作疼痛者玉紅膏搽之自然腐化生新而愈至

於辱刑重刑難受之時宜預服鐵布衫丸方得保身全命也

鐵布衫丸 鐵布衫丸歸乳沒 蘇木地龍兼木龍 無名異與自然銅 救盡人間刑杖厄 治情不由己事出不虞受害一身刑難免當預服之受刑不痛亦且

保命

自然銅 煨紅醋 酒洗 揚膏 無名異 浮土 乳香 洗去 木鼈子 香油搽發上唇灰用 肉徐曰此是土木鼈 沒藥 地龍 去頭 曬乾 蘇木 右八味

各等分為細末煉蜜丸如雞頭實大每服三丸預用白湯下縱非刑辱拷可保無虞

徐曰定痛之藥不外此方更加山羊血 減半 楠蛇膽 少許 犀黃 減半 冰片 少許 古錢 醋煨 七次 硃砂為衣尤妙 梔梔

自然銅木鼈子沒藥地龍蘇木徐園

散瘀拈痛膏 散瘀拈痛金黃散 加上三錢樟腦配 石灰清水對麻油 通共調敷將紙蓋 治杖後皮肉損破紅紫青斑掀腫疼痛重墜者用腫瘍門如意金

黃散一兩加樟冰三錢碾勻以白石灰一升用水二碗和勻候一時許將灰上面清水傾入碗內加麻油對分

以竹節攪百轉自成稠膏調前藥稀稠得所聽用杖後帶血不用湯洗將藥通敷紙蓋布扎夏月一日冬月

二日方用葱湯淋洗乾淨仍再敷之痛止腫消青紫即退傷重者另搽玉紅膏完口

大成湯 見跌撲門 治杖後瘀血內攻肚腹膨脹惡心便秘者

珍珠散 見下疳門 治杖瘡已長肉平滿惟不生皮用此搽之

竹木刺第六十八

竹木刺乃外入之患有軟硬之分淺深之異軟淺者以針頭撥見刺形拔出則愈硬深難出者用蟻蝓搗爛塗

上一時許其刺自然吐出取去則愈矣

花蕊石散 治竹木刺傷腫痛流膿以葱湯洗淨用此糝之 相案竹木刺與金刃杖傷一類原本在漆瘡之

後今移于此

湯潑火燒第六十九

湯潑火燒此患原無內症皆從外來也有湯火熱極逼毒內攻又有外傷寒涼致毒入裏外皮損爛者以清涼

膏粟殼膏塗之毒氣入裏煩躁口乾二便秘澀者四順清涼飲下之泡破珍珠散搽之自愈

四順清涼飲 四順清涼飲赤芍 防風羌活共連翹 當歸甘草山梔等 大黃加上麝香消 治湯潑火燒熱極逼毒入裏或外被涼水所浸火毒內攻致生煩

躁內熱口乾大便秘實者

連翹 赤芍

羌活

防風

當歸

山梔

甘草 各一錢

大黃炒二錢 水二茶鍾燈心

二十根煎八分食遠服

徐曰此症原不必服藥或傷重有引病則隨症施治

罌粟膏 罌粟膏罌粟火燒 麻油白蠟共煎熟 粉麩加上真輕粉 塗於患上痛隨漸 治湯潑火燒皮肉損爛疼苦掀熱起泡沫流水者麻油四兩罌粟花十五

朵無花以殼代之浸油內煎枯濾清將油再入杓內下白蠟三錢熬化傾入罐內待四邊將凝時下真輕粉

細末二錢攪勻水內頓冷取起臨用將泡挑破用抵脚挑膏手中捺化擦患上軟綿紙蓋扎日換二次其
疼即止次日將軟帛過淨腐皮再搽之自愈

徐曰此方須預備一切爛瘡皆妙

珍珠散 見下 治湯潑火燒腐皮已盡疼痛已止用此糝即愈前杖瘡門中石灰水調麻油成膏即清涼膏也

搽湯潑火燒亦效 楣案湯火傷良方甚多陸進士以漸冷盧雜識載以秋葵花浸麻油藏磁器內勿見水
愈久愈佳用塗傷處立時止痛獲愈最為簡便此方兼治一切熱毒瘡全生集載以地榆末浸香油調塗仍
以乾末糝之亦妙

甲疽第七十

甲疽者或因甲長侵肌或因修甲損傷良肉或靴鞋窄小俱能生之其患努肉裏上指甲腫痛異常難於步履
初宜三品一條槍貼努肉上 此句徐又批曰大犯化靈自愈日久努肉堅硬須冰蠟散化之後用珍珠散糝上必瘥 楣

案全生集甲疽方用狼毒一兩生黃蓍二兩醋浸一宿入豬脂五兩微火上煎取二兩絞去渣退火氣以封

疽口日易三度毒消口斂

甲疽應用方

三品一條槍 見瘰癧門此方徐又

珍珠散 見下瘰癧門

繭屑第七十一

繭屑乃陽明胃經症也因過食煎炒炙博又兼思慮暴急痰隨火行留注於脣初結似豆漸大若蠶繭突腫堅

硬甚則作痛飲食妨碍或破而流血久則變為消渴消中難治之症初起及已成無內症者用麻子大艾炷

灸三壯 此句徐圍批曰頑瘡可灸 貼蟾酥餅膏蓋日久漸消內症作渴者早服加減八味丸午服清涼甘露飲以滋化源日

久流血不止形體瘦弱虛熱痰生面色黎黑腮顛紅現口乾渴甚者俱為不治之症

麝香 三錢 眞阿魏二兩 薄荷片 麝香

右用香油五斤除乳沒麝魏外餘皆入油浸春三夏五秋七冬十期畢桑柴

火熬至藥枯細絹濾清每淨油一斤配飛丹十二兩將油入鍋內下丹槐枝攪令成膏撥下鍋來用水盆坐聽漸下阿魏片泛化已盡方下乳沒麝香再攪勻乘熱傾入瓷罐內分三處盛之臨用湯中燉化瘡病紅縷攤貼餘病綾絹俱可攤之有腫者對患貼之男子遺精婦人帶下患貼丹田諸風癱瘓貼腎俞穴並效徐曰此治瘡之專方

天蛇毒第七十三

天蛇毒一名蛇頭疔乃心火旺動攻注而成其患指大若蛇頭赤腫掀痛甚者疼至連心寒熱交作或腫痛延上宜用小艾灸五壯以雄黃散塗之內服蟾酥丸發汗解毒輕者漸消腫者潰膿甚則腐爛破後腫仍不消者以蟾酥條插入孔內膏蓋自效腐爛者玉紅膏搽之虛而不斂者兼服補劑

雄黃散 雄黃散內用蟾酥 冰片還將輕粉和 四味同研爲細末 水調患處日三塗 治天蛇毒初起紅腫發熱疼痛徹心者

雄黃散 明亮者 蟾酥二分 冰片一分 輕粉五分 共爲細末新汲水調塗紙蓋日用三次極效

徐曰此乃專治此毒之方 相柔蟾酥徐圈

蟾酥丸 見疔 瘡門 玉紅膏 見腫 瘡門

頭痛第七十四

頭痛者風火濕痰四者皆能致之又楊梅瘡毒上攻或婦人產後梳洗當風太早亦能致之名曰頭風宜用後

方無論病之新久受之眞似並效

天麻餅子 天麻餅子二馬蹄 細辛蒼朮芷防風 全蝎雄黃白附子 更入薄荷與甘松 治頭痛因風火濕痰上攻及楊梅瘡毒所致兼治頭目昏眩項背拘

急肢體煩痛肌肉蠕動耳哨蟬鳴鼻塞多嚏皮膚頑麻癢癢癩疹又治婦人頭風作痛眉稜骨疼牙齒腫痛痰逆惡心

天麻 草烏湯泡去皮 川芎 細辛 蒼朮 甘草 川烏湯泡去皮 薄荷 甘松 防風

白附子去皮 白芷各五錢 雄黃 全蝎各三錢 右為細末寒食麪打糊搗稠如寒豆大捏作餅子每服二三

十餅食細嚙葱頭湯送下屬火熱痰痛者茶湯下甚者日進二服忌諸般發物

徐曰此方治寒毒頭風之症藥味雖峻厲而與病情頗切此唐人之遺法也 相案天麻草烏細辛川烏白

附子雄黃全蝎徐皆圈 又案頭風最能損目余見一人頭風痛甚兩目皆盲徧求良醫不效有鄉人教以

用十字路口及人家屋脚邊野苧菜煎湯注壺內塞住壺嘴以雙目就壺薰之日漸見光竟得復明如舊附

著于此亦單方之一也

三聖散 三聖散用開楊花 紅槿樹花 楓子肉 不論頭風偏興正 葱酒一杯調末服 治男婦頭痛不論偏正新久但夏月欲重綿包裹者並效

開楊花淨末一錢 槿樹花淨末一錢 大楓子肉去油五分 共研每服六分葱酒調服洗浴發汗自愈

合谷毒第七十五

合谷疔俗稱虎口百Y此患多有疮瘡泡起亦有紅絲走上故有疔名乃手陽明胃經濕毒攻注癢熱掀疹初

起挑破貼蟾酥餅膏蓋金黃散敷之二日後腫聚必欲作膿換膏貼之軟腫脹痛者膿已成針之即愈腫甚

寒熱者必內外消托

徐曰此症與疔毒同治 又曰紅絲盡處以針針出少血為妙

如意金黃散 見腫疔門 蟾酥餅 見疔瘡門

鼻出血第七十六

鼻中出血乃肺經火旺逼血妄行而從鼻竅出也外用紫土散敷顛頂上內服羚羊清肺湯亦可自止

徐曰諸血亦同治

羚羊清肺湯 羚羊清肺湯柴芍 元參石膏地骨皮 薄荷蓮生地蘇 白茅甘草併等分 治鼻中無故出血不止及尋常吐血咳血並效

羚羊角 黃連 銀柴胡 元參 石膏 川芎 歸身 白芍 生地 蒲黃

地骨皮 山梔各一錢 蘆薈 甘草各五分 蕪節三個 白茅根 四兩搗汁用水一梳和絞去渣 用茅根汁一大碗煎七分

入童便一杯食後服

徐曰此方凡為肺熱皆宜但亦當審擇不可全用虛薈太苦不必用 又曰茅根一味足矣 惟乳余繼室

自幼患鼻衄症來歸後無歲不發甚者耳目口鼻俱溢出至淡黃色始止凡外治內治之法無不歷試每發

必先額上屢熱鼻中氣亦甚熱近二十年每覺鼻熱余以喻嘉言清燥救肺湯投之二三劑後即覺鼻中熱

退不衄或投之少遲雖發亦不過略見微紅蓋此方最清肺胃之熱也惟人參一味余用西洋參或加鮮

生地勢已定則用乾生地附記以備醫者臨症酌用 又案喻氏於此方自言不用一苦藥恐苦從火化也

此製方妙處醫者勿妄加減為安

紫土散 紫土散為從治法 無端鼻衄此方求火酒調敷額頂上 自然血止不須憂 治鼻中無辜出血不止用傾銀紫土新罐碾細以火酒調敷額門上其

血自止此從治之法也

徐曰外治亦通

牙縫出血第七十七

牙縫血出陽明胃經實火上攻而出也又有胃虛火動腐爛牙齦以致淡血常常滲流不已實火宜服清胃散

并用棟果裘塞之虛火宜服蘆薈丸并用人中白散搽之自愈

清胃散 清胃散中用石膏 粵連生地共調 丹皮加上升麻好 陽明胃熱即時消 治胃經有熱牙齒或牙齦作腫出血不止

黃芩 黃連 生地 丹皮 升麻 石膏各一錢 水二茶鍾煎八分食後服

徐曰陽明實火方 桐案升麻徐圍

棟果裘 治陽明胃經實火上攻血從牙縫流出用棟樹果二個連肉核搗爛絲綿包裹先用溫湯漱淨瘀血

塞於牙縫內其血自止

徐曰亦外治方

蘆薈丸

人中白散見口瘡門

血箭血瘡第七十八

血箭出於心經火盛逼血從毛竅出也血瘡出於肝經怒火鬱結初起色紅如瘡漸大如豆指之血流治血箭以桃花散涼水調敷或金墨塗之自止血瘡須用冰蠶散枯去本瘡以珍珠散搽之生皮乃愈血甚者內服

涼血地黃湯

涼血地黃湯黃連當歸甘草山柰全加上元參功更倍無辜出血即安然

治血箭血瘡內熱甚而逼血妄行出血如飛者

黃連

當歸

生地

山柰

元參

甘草各等分

水二茶鍾煎八分量病上下服之

徐曰涼血方用處頗多 又曰以上諸症俱當外治

桃花散

見味類門

冰蠶散

見瘡門

珍珠散

見下門

外科正宗卷十一

明崇川陳實功著

吳江徐大椿評靈胎評辛

海雷

許相事水訂
蔣光胤寅叻校

鵝掌風第七十九

鵝掌風由足陽明胃終火熱血燥外受寒涼所凝致皮枯槁又或時瘡餘毒未盡亦能致此初起紫斑白點久

則皮膚枯厚破裂不已二礬湯薰烘即愈

徐曰此證必用塗藥烘手洗方無益也

二礬湯

二礬湯中白皂礬 兒茶相葉在其間
先薰後洗油相照 鵝掌風痛愈不離

治鵝掌風皮膚枯厚破裂作痛宜用此湯薰洗輕則不宜越重越效

白礬

皂礬各四兩孩兒茶五錢柏葉半斤

用水十碗同上藥四味煎數滾先用桐油搽抹患上再以桐

油蘸紙捻點著以烟燄薰片時方將前湯乘滾貯淨桶內用布蓋好將手伸入以湯薰之勿令泄氣待微熱

傾入盆內蘸洗良久一次可愈七日忌下湯水永不再發

腎囊風第八十

腎囊風乃肝經風濕所成其患作癢喜浴熱湯甚者瘡搭頑麻破流脂水宜蛇床子湯薰洗二次即愈

蛇床子湯

蛇床子湯當歸尾 苦參片加威靈仙
河水同煎煎患處 腎囊風癢得安然

治腎囊風濕熱為患疔瘡作癢搔之作疼者

蛇床子

當歸尾 威靈仙

苦參各五錢

水五碗煎數滾入盆內先薰待溫浸洗二次愈

徐曰此專治之方 楣案蛇床子徐圈

狼毒膏

狼毒膏中用檳榔 川椒楓肉同油沸

蛇床五倍子硫黃 投入皮硝膽汁其

治證同前

狼毒

檳榔

硫黃

五倍子

川椒

楓子肉

蛇床子各三錢

右為末用香油一大

杯煎滾入皮硝三錢再煎滾次下公豬膽汁一個和勻調前藥搽擦此藥諸癢瘡用之並效

肉蛇床子徐圈

此句楣案楓子

疥癩論第八十一

夫疥者微芒之疾也發之令人搔手不閒但不知其何以生者疥曰晉不根而生無母而成乃稟陰陽氣育濕熱化形常列於王侯掌上何妨士庶之身可使文人怕筆繡女停鍼毋分貴賤一例施行醫問曰不生於身獨攻於手者又何也疥曰手掌乃太陰濕土所主手心又少陽相火所司土能生我火能化我此生皆賴濕土陽火所化故生者必出於手掌醫曰然哉但其形知動而不知靜能進而不能退自非清氣所化也又脾主消納胃主傳化人之飲食未有不從厚味者厚味之中濕熱重化致生此瘡又清氣隨脈循行濁氣留滯不散停留肌膚積日不解隨後生熱發癢故癢熱之中濕火混化為蟲形隨濕化動隨火化此無情而之情也既化之後潛隱皮膚展轉攻行發癢鑽刺化生生傳徧肢體近則變為疥癬久則變成頑風多致皮膚枯槁浸淫血脈搔癢無度得湯方解是宜外以繡毬丸搽擦止癢殺蟲內服消風散散風涼血兼戒口味辛熱莫噉忌洗熱湯其煩自脫此為小恙不當陳說閒中之言隨筆而白

消風散消風散肉歸生地 蟬蛻木通蒼苔參 胡麻知母牛蒡子 石膏甘草與防荊

治風濕浸淫血脈致生瘡疥搔癢不絕及大人小兒風熱癩疹徧身雲

片斑點乍有乍無並效

當歸 生地 防風 蟬蛻 知母 苦參 胡麻 荆芥 蒼朮 牛蒡子

石膏 甘草各一錢木通各五分 水二棗鍾煎八分食遠服

徐曰此浮泛之方

當歸飲子當歸飲子芍芍蒼 生地防風白朮藜 甘草何首烏荆芥 諸風癢癩服之宜 治血燥皮膚作癢及風熱癩疥搔癢或作疼裏

當歸 川芎 白芍 生地 防風 白蒺藜 荆芥 何首烏各一錢黃耆

甘草各五分 水二棗鍾煎八分食遠服

徐曰亦泛方

繡毬丸 繡毬丸內用樟冰 輕粉川椒共水銀 雄黃枯礬楓子肉 諸瘡癢疥擦之靈 治一切乾濕疥瘡及膿巢爛瘡搔癢無度者

樟冰 川椒 枯礬 輕粉 水銀 雄黃 各二錢 楓子肉 一百粒 另碾 以上共為細末同大櫪

子肉再碾和勻加柏油一兩化開和藥攪勻丸作圓眼大於瘡上擦之

徐曰水銀入皮膚中有毒不宜用

諸瘡一掃光 諸瘡一掃光硫柏 木縫床椒枯白礬 水銀楓子樟冰粉 白砒苦參烟膠參 治瘡瘡不論新久及身上下或乾或濕異類殊形但多癢少痛者

用之俱名有效

苦參 黃柏各一斤烟膠一升木鼈肉 蛇床子 點紅椒 明礬 枯礬 硫黃

楓子肉 樟冰 水銀 輕粉各三兩白礬五錢 共為細末熟猪油二斤四兩化開入藥攪勻丸

龍眼大磁瓶收貯用時搽二次即愈

徐曰此藥用者往往使毒入裏變成瘡蟲慎之 相案硝皮鋪刮下諸皮之膜炒成炭研末謂之烟膠余見

今人合瘡藥多以淡巴菰烟筒中之油當之問諸醫者亦多不知

洗瘡方 洗瘡方只二錢 苦參先將河水煎 公豬膽汁和勻洗 九日三洗可全安 苦參半斤切片用河水三四瓢煎藥數滾參水二瓢住火片時瀝去

滓和公豬膽汁四五枚攪勻淋洗三日一洗三次亦可痊愈矣

徐曰此外治良方

膿瘡論第八十二

膿瘡者風熱濕毒相聚而成有新久別之內外之殊新者只用三香膏乳香法紙貼之自愈稍久紫黑者以解毒紫金膏搽紫漸可年久頑膿皮肉烏黑下陷臭穢不堪者用蜈蚣錢法去風毒化癢腐方可得愈外膿多

服四生丸內膿多服腎氣丸

三香膏 三香膏內乳松香 輕粉油調此內藏 葱湯洗淨方膏貼 何愁新久爛膿瘡 治膿瘡初起多疼少癢未經受風紫黑者

乳香 松香

輕粉各等分

右爲細末香油調稠用夾紙一面以針密刺細孔將藥夾搽紙內先以葱湯洗淨將紙有孔一面對瘡貼之三日一換自效忌房事煎炒等件

徐曰此治一切濕風癩俱效

乳香法紙

法紙方奇用乳香 紙捲浸入甘草湯 曬乾再搗真輕粉 止痛生肌貼爛瘡

治膿瘡作痛不愈先碾乳香細末一兩聽用以呈文每紙四張每紙

一張攤平用乳香二錢五分細攤平紙上雙折捲一寸闊將捲紙復作三條外用以綿紮之用甘草一兩二

錢水三碗將捲過藥紙浸入甘草湯內上用重物壓之煮數滾取起紙來解去紮線將紙攤開卓上每張用

輕粉三錢糝乳香上用搜糊刷排刷令勻提起藥紙帶濕以無藥一面對板壁上貼之陰乾收用臨時隨瘡

大小翦紙多少先用酒湯洗淨將紙有藥一面對瘡貼之絹紮三日一換自然止痛生肌如貼後內無水出

不必換貼自愈

徐曰做法無謂

蜈蚣

蜈蚣諸治人頑癩 調活桐油白芷煎 傾入瘡中器付痊

治膿瘡多年黑腐臭爛作疼諸藥不效者用桐油二兩獨活白芷甘草

蜈蚣各一錢入油內煎滾先將膿瘡洗淨用白麵水調作圈圍在瘡之四邊毋令泄氣走油將脚放平以茶

匙挑油漸漸乘熱加滿待油溫取去已後腐肉風毒自然脫下用解毒紫金膏搽上紙蓋絹紮三日一換

徐曰此法甚奇一切腐敗頑肉蟲蝕俱可用

解毒紫金膏

見結 毒門

治膿瘡毋論新久及頑瘡年久不愈者

四生丸

四生丸療久腫毒 骨節多疼舉動妨 地龍白附僵蠶等 草烏靈脂共丸良

治外膿血風頑瘡骨節疼痛不能舉動或行步不前或渾身疼癢或麻

痺不仁或生斑疹

地龍去土瀝蠶炒去絲 白附子

五靈脂

草烏 去皮尖炮 各等分

右爲細末米糊丸桐子大每服三四十九

食煎茶酒任下

徐曰此法不驗

腎氣丸 見肺癰門

血風瘡第八十三

血風瘡乃風熱濕熱血熱三者交感而生發則搔癢無度破流脂水日漸沿開甚者內服消風散加牛膝黃柏外搽解毒雄黃散或如意金黃散如年久紫黑堅硬氣血不行者用針砭去黑血以神燈照法薰之以解鬱毒次以前藥敷之方效

解毒雄黃散 治風濕流注腿脚致生血風頑瘡紫黑搔癢者

雄黃四兩 硫黃入兩 右二味共碾細末 柏油調搽 紙蓋之 三日一換

徐曰治癬亦效

如意金黃散 見腫瘍門

治證同前用公猪胆汁調稠敷患上油紙蓋紮勿動待其自脫脫後色紅再敷之以色白

為度

神燈照法 見腫瘍門

治年久紫黑血風頑瘡流水作癢不絕先用葱湯洗淨以燈焰薰之每薰二搽為度

涼血消風散 見疥瘡門

頑癬第八十四

頑癬乃風熱濕蟲四者為患其形大小圓斜不一有乾濕新久之殊風癬如雲朵皮膚嬌嫩抓之則起白屑濕癬如蟲形搔之則有汗出頑癬抓之則全然不痛牛皮癬如牛項之皮頑硬且堅抓之如朽木馬皮癬微癢白點相連狗皮癬白斑相簇此等總由血燥風毒客於脾肺二經初起用消風散加浮萍一兩葱豉作引取汗發散久者服首烏丸蠟礬丸外搽土大黃膏或槿皮散選而用之俱可漸效

徐曰此藥非服藥所能治

土大黃膏土大黃膏用白礬川椒三味研成末 頑癬搽之效不離 治乾濕頑癬不論新久但皮膚頗厚串走不定惟癢不痛者

硫黃八兩生礬四兩點紅川椒二兩 右各為末用土大黃根搗汁和前藥調成膏碗貯新癬抓損擦之多

年頑癬加醋和擦如日久藥乾以醋調搽牛皮癬用穿山甲抓損擦之妙

徐曰此搽藥最效土大黃俗名禿菜根 椶案頸項之癬先用刀剃次以土大黃磨極濃新筆蘸微覺

癢痛乾則再塗次日即結痂更數日痂落皮肉如常余曾親試如不用刀剃則不癢痛而無效

頑癬必效方頑癬必效川槿皮 輕粉雄黃巴豆宜 斑發大黃白礬餅 陰陽水和海桐皮 治多年頑癬諸藥薰擦搽洗不效者

川槿皮四兩 輕粉 雄黃各四 百藥煎四餅 斑蝥一錢 巴豆去油一分 大黃二兩 海桐皮二兩 右為極細末用

陰陽水調抓損敷藥必待自落

徐曰此方要爛皮

又頑癬方頑癬方中川槿皮 斑蝥輕粉亦相宜 再加七個楓子肉 新藥類塗癬可醫

川槿皮二錢 輕粉五分 斑蝥七個 大楓子七個 河井水共一碗煎一半露一宿筆蘸塗之

徐曰此亦爛皮之方

頑癬浮萍丸浮萍丸內用鈎藤 蒼朮黃芩共苦參 僵蠶蒼耳蒲葦草 丸服何憂癬更便

紫背浮萍 蒼朮 蒼耳草各二兩 苦參四兩 黃芩 僵蠶各一兩 鈎藤一兩 蒲葦草二兩 共為末酒

糊丸白滾湯每服二錢隨病上下服

膿窠瘡第八十五

膿窠瘡乃肺經有熱脾經有濕二氣交感先起水泡作癢後變膿泡作疼以清熱散風涼血除濕醫治涼血消

風散是也外以蛇床子散或諸瘡一掃光搽之亦效兼口味自愈

蛇床子散蛇床子散用黃丹 松香輕粉共粘藥 大黃楓肉同研末 油搽乾癬效非凡 治膿窠瘡生於手足偏身根硬作脹癢痛非常

蛇床子 大楓子肉 松香 枯礬各一兩 黃丹 大黃各五錢 輕粉三錢 右爲細末 麻油調搽濕

爛者乾糝之

徐曰亦有效有不效

膿窠又方 膿窠方中用黃柏 輕粉黃丹共石膏 加上枯礬能燥濕 搽之痛癢即時消

黃柏 一兩以公猪膽汁 搽之火上炙三錢 石膏 一兩 輕粉 二錢 黃丹 枯礬 各三錢 右爲末 麻油調搽濕者乾糝

徐曰此方治肥瘡大效

涼血消風散 諸瘡一掃光 俱見疥瘡門

火丹第八十六

火丹者心火妄動三焦風熱乘之故發於肌膚之表有乾濕紅白之異乾者色紅形如雲片上起風粟作癢發熱此屬心肝二經之火治以涼心瀉肝化斑解毒湯是也濕者色多黃白大小不等流水作爛又且多癢此屬脾肺二經濕熱宜清肺瀉脾除濕胃苓湯是也腰脇生之肝火妄動名曰纏腰丹宜柴胡清肝湯外以柏葉散如意金黃散敷之

化斑解毒湯 化斑解毒湯石膏 元參知母共連翹 黃連升麻牛蒡等 甘草人中黃更高 治三焦風熱上攻致生火丹延及遍身癢痛者

元參 知母 石膏 人中黃 此味徐勒批 曰不入煎藥 黃連 升麻 連翹 牛蒡子 各等 甘草 五分

水二茶鍾淡竹葉二十片煎八分不拘時服

徐曰不外此諸味

徐濕胃苓湯 除濕胃苓湯二朮 二朮草朴滑山椒 木通澤瀉防風等 還須源桂與陳皮 治脾肺二經濕熱壅遏致生火丹作爛疼痛者

防風 蒼朮 白朮 赤茯苓 陳皮 厚朴 豬苓 山梔 澤瀉

木通 滑石 各一錢 甘草 溲桂 各三分 水二茶鍾燈心二十根煎八分食前服

徐曰此方加入蜜陀僧冰片尤妙 又曰此瘡必用剪刀剪破方不袋膿 楣案輕粉蛤粉徐圈

石珍散 石珍散中燬石膏 選無輕粉共相調 膏黛再添黃柏末 將來一搽即能消 治天泡日久作爛疼痛不已膿水淋漓者

石膏燉 輕粉各一兩青黛 黃柏各三錢 右共研細甘草湯洗淨以此藥搽之其疼即止

肺風粉刺酒皰鼻八十八

肺風粉刺酒皰鼻三名同種粉刺屬肺皰鼻屬脾總皆血熱鬱滯不敢所致宜真君妙貼散加白附子敷之內

服枇杷葉丸黃芩清肺飲

徐曰此證宜外治須塗清火拔毒藥

枇杷葉丸 枇杷葉九天花粉 甘草黃芩酒泛丸 肺風粉刺併皰鼻 三證香之俱可安 治肺風粉刺鼻皰初起紅色久則肉皰發腫者

枇杷葉 去毛刺 黃芩 酒炒 四兩 甘草 一兩 天花粉 四兩 共為末新安酒泛丸桐子大每服一錢五分食後併臨睡

時白滾湯茶湯俱可送下忌火酒煎炒

徐曰此證宜服清肺藥然亦非服藥所能治

黃芩清肺飲 黃芩清肺飲歸芍 紅花地芍兼防風 薄荷翹葛天花粉 用治粉刺消無蹤 治證同前

川芎 當歸 赤芍 防風 生地 乾葛 天花粉 連翹 紅花各一錢

黃芩二錢 薄荷五分 水二茶鍾八分食後服用酒一杯過口

真君妙貼散 見腫 瘡門 治肺風粉刺皰鼻紅赤紫腫早晚用涼水調敷

雀斑八第十九

雀斑乃腎水不能榮華於上火滯結而為斑宜六味地黃丸以滋化源外以玉容丸早晚搽洗漸愈

徐曰此必用塗藥

玉容丸 玉容丸 梔子獨松 荆礬辛奈正腐風 茂殼椒檀靈藥本 陀僧紅棗菊花同 治男婦雀斑酒刺及身體皮膚粗糙並用此洗

甘松 山奈 細辛 白芷 白斂 白芨 防風 荆芥 殭蠶 山梔

藜本 天麻 羌活 獨活 蜜陀僧 枯礬 檀香 川椒 菊花各一錢

紅棗肉七枚 以上共爲細末用去淨眩膜肥皂一斤同槌作丸如秋冬加生蜜五錢加皮膚粗槁加半

骨髓三錢早晚洗之肌膚自然潔如玉溫潤細膩

徐曰此專治去皮毛之風義亦可取

玉肌散 玉肌散用生棗豆 滑石白芷研成就 一切風濕雀斑酒刺白屑風皮膚作癢者並效

萊豆半升滑石 白芷 白附子各二錢 共爲細末每用三匙早晚洗面時湯調洗患上

六味地黃丸 見肺 癰門

汗斑第九十

蜜陀僧散

石黃一錢輕粉五分硫黃 雄黃 蛇膽半錢二錢蜜陀僧一錢 共爲末醋調搽之 櫛案汗斑本在

末卷補遺今移於此

油風九十一

油風乃血虛不能隨氣榮養肌膚故毛髮根空脫落成片皮膚光亮癢如蟲行 此句徐密點批曰此 證必有蟲當用塗藥 此皆風熱乘虛

攻注而然當服神應養真丹外以海艾湯薰洗並效

海艾湯 海艾湯中甘菊花 防風薄荷蜜香加 治油風血虛風熱所致皮膚光亮眉髮脫落者

薄荷 菊花 薄荷 防風 藜本 檀香 甘松 蔓荊子 荆芥 檉各二錢

用水五六碗同藥煎數滾連渣共入廠口鉢內先將熱氣薰面候湯溫蘸洗之留藥照前再洗 櫛案海艾

藥木甘松蔓荊子徐圖

神應養真丹 見鶴膝風門

治風寒暑濕襲於三陽部分以致血脈不能榮運肌膚致生虛癢眉髮脫落皮膚光亮

白屑風第九十二

白屑風多生於頭面耳項髮中初起微癢久則漸生白屑疊疊飛起脫而又生此皆起於熱體當風風熱所化

治當用消風散而以玉肌散擦洗次以當歸膏潤之髮中作癢有脂水者宜翠雲散搽之自愈

徐曰此證宜驅風養血久而見功 又曰此宜塗驅風潤肌之藥久則必生蟲更兼殺蟲之品

祛風換肌丸 換肌丸用石菖蒲 牛膝胡麻參首烏 甘草靈仙蒼朮等 膏歸花粉亦相須

治白屑風及紫白癩風癬濕熱瘡疥一切諸瘡搔癢無度日久不絕愈而又發

絕愈而又發

威靈仙 石菖蒲 何首烏 苦參 牛膝 蒼朮 大胡麻 天花粉各等分

甘草 川芎 當歸 減半 右爲末新安酒泛丸菴豆大每服三錢白湯送下忌牛肉火酒雞鵝羊

等發物

徐曰此亦非煎方丸方所能治

消風散 見疥瘡門

翠雲散 見楊梅瘡門

玉肌散 見雀斑門

潤肌散 見白禿瘡門

耳病第九十三

耳病乃三焦肝風妄動而成大人有虛火實火之分小兒有胎熱胎風之別虛火者耳內蟬鳴或兼重聽出水

作癢外無掀腫宜四物湯 牡丹皮石菖蒲及胃氣丸主之實火者耳根耳竅俱腫甚則寒熱交作疼痛無

時宜柴胡清肝湯治之又有耳挺結於竅內氣脈不通疼痛不止以梔子清肝湯爲治外用黃綠藥挿入挺

肉縫傍化盡乃愈小兒胎熱或浴洗水灌竅中亦致耳竅作痛生膿初起月間不必搽藥候毒盡自愈如月

外不癢以紅棉散治之則安矣

紅棉散 紅棉散內用枯礬 麝香胭脂在其間 小兒耳將棉線 再送藥末膿自乾

治耳內流膿腫痛已消膿尙不止方用此棉之

栝磬上白乾胭脂二錢麝香一分共研極細末磁罐收貯先用棉裹絞盡耳內膿濕棉裹滾藥送入耳底

自愈

徐曰另有效方

聽耳蘆薈丸聽耳蘆薈丸木香 李歸膽草與大黃 山梔青黛柴胡等 麝香青皮南星良治肝膽有火耳內蟬鳴漸至重聽不聞聲息者

蘆薈 大黃 熟地 青黛 柴胡 各五錢 龍膽草 當歸 山梔 青皮 黃芩 各一兩

木香一錢 南星三錢 麝香五分 右為末神麴糊為丸 菴豆大每服二十一丸 食後薑湯送下 日服三次 漸效

柴胡清肝湯 梔子清肝湯俱見聲 四物湯見滋 腎氣丸見肺

漆瘡第九十四

漆瘡由來自異有惑有弗感也俗稱木生人感之非也漆乃辛熱有毒之物人之皮毛腠理不密故感其毒先發為癢抓之漸似隱疹出現皮膚傳徧肢體皮厥爛斑流水作痛甚者寒熱交作宜韭菜汁調三白散塗之服化斑解毒湯忌浴熱水兼戒口味不然變為頑風癬癩愈而又發者多矣

徐曰宜用貫眾湯洗

三白散三白散中用石膏 輕粉統粉共相調 搽時須用生韭汁 肉上漆瘡頃刻消

杭粉一兩 石膏三錢 輕粉五錢 各為末韭菜汁調敷紙蓋加無菜汁涼水調敷

徐曰未必效 又曰石蟹磨汁塗并飲一杯立愈

化斑解毒湯見火

瘰癧第九十五

瘰癧者密如散粟尖如芒刺癢痛非常渾身草刺此因熱體見風毛髮所閉宜服消風散洗用苦參湯甚者皮損匝匝成瘡以鵝黃散軟絹帛藥撲之

徐曰此俗名風癩之疾

苦參湯 苦參湯用大菖蒲 河水煎淋效不虛 臨洗再加豬膽汁 帶瘡痛癢自然除 治瘰癧瘡作癢抓之及疼坐如芒刺難以安睡用苦參四兩大菖蒲一

兩河水五瓢同煎數滾添水二瓢蓋片時和入公豬胆汁四五枚淋洗瘡上不二三次全愈愈後避風忌食

發物

鷲黃散 鷲黃散用黃柏末 輕粉豆粉同研入 更將滑石共和勻 止痛收乾疾如失 治瘰癧瘡作癢抓之皮損隨後又疼用此撲之

菱豆粉一兩滑石五錢黃柏三錢輕粉二錢 右為細末以軟絹帛蘸藥撲之止痛收乾

消風散 見疥 瘡門

疔腮第九十六

疔腮乃風熱濕痰所生有冬溫後天時不正感發傳染者多兩腮腫痛初發寒熱以柴胡葛根湯散之外敷如意金黃散內熱口乾二便不利者四順清涼飲利之表裏俱解腫仍不消必欲作膿用託裏消毒散膿成者即針之體虛人兼服補託藥自愈

徐曰此證以驅風消痰軟堅清熱為治赤豆為末雞子清調塗立效 又曰此證若在時氣病後餘邪未清

仍宜照本證所感輕劑表散若無因驟起則如連翹夏枯卓土貝甘草大力子白芷元參半夏橘紅黃芩赤芍薄荷荆芥等藥俱可用

柴胡葛根湯 見傷寒 瀉頤門 四順清涼飲 見湯 瀉頤門

痰包 第九十七

痰包乃痰飲乘火流行凝注舌下 四字 結而 四字 腫綿軟不硬 四字 有妨言語作痛不安用利翦刀當包翳破 此句 徐圖

流出黃痰若蛋清稠粘難斷擦盡以冰硼散搽之內服二陳湯加黃芩黃連薄荷數服忌煎炒火酒等件

徐曰此不常見之病亦有生在頸項者 又曰此證人不識者多宜留意

加味二陳湯 加味二陳湯半夏 茯苓甘草共陳皮 考連薄荷薑三片 痰飲生包服此宜

陳皮 半夏 茯苓 甘草

治痰飲流注舌下發腫作痛針刺已破者
黃芩 各八分 黃連 薄荷 各五分 水二茶鍾薑二片煎八分

食前服

徐曰此通治方

冰礪散 見喉門

癩風第九十八

癩風乃陽明濕熱沸騰於肌表或外受風寒侵襲而成其患初起水泡作癢成瘡破流脂水癢至徹骨久則成片傳及遍身好浴熱湯形如風癩初起上多者防風通聖散去硝黃加葱頭三莖發汗以散外毒下體多者去麻黃以攻內毒通治則初服消風清燥湯久服祛風換肌丸外搽諸瘡一掃光成片流水者真君妙貼散皮膚頑厚有蟲者麥錢散搽之

徐曰此證有似大麻風而毒氣不深全在肌肉故可治

消風清燥湯 消風清燥湯生地 蟬脫防歸芩共連 花粉川芎銀白芍 苦參甘草與靈仙

川芎 當歸 白芍 生地 防風 黃芩 黃連 天花粉 蟬脫 苦參

威靈仙 各一錢 甘草 五分 水二茶鍾煎八分食後服

徐曰此通治方

防風通聖散 見時毒門 祛風換肌丸 見白瘡風門

溼腫第九十九

真君妙貼散 見瘡癩門

諸瘡一掃光 見疥瘡門

麥錢散 見瘡風門

濕腫者皆脾氣受傷之病或飲食後驟受風寒或饑渴時誤食生冷寒積於中食不化其患胸膈不寬小水不和面目浮腫漸至遍身此上傷不能生化之故也宜用二蛟散疏通稼土溫養脾元其小水自利浮腫自

徐曰此證不得指一病名 摺案此證內外科書皆載之屢意當專歸內科為宜

二較散 二較散內用皮確 陳米三年麥炒焦 溫經糖湯調服下 如較行水自熱消 治生冷惱怒傷脾致胸膈不寬小水不利面目四肢浮腫諸藥不效用

三年老黃米炒焦黃色為末提淨芒硝三兩鍋內焙化炒乾為末每用一平杯和勻再碾極細大人壯實者

每服三錢小兒十歲上下者一錢二分俱用赤砂糖三茶匙和白滾湯半茶鍾空心調服至午大便一次至

晚再便一次其疾先從眼胞消起日久元氣虛者與加味胃苓湯間服至重者不過五服愈

加味胃苓湯 加味胃苓湯尤者 參查芍半薑香陳 澤瀉薄荷厚朴 甘草香附效如神 治脾胃受傷胸膈不寬兩脇膨脹小水不利面目四肢浮腫

陳皮 茯苓 白朮 白芍 各一錢 藿香 人參 厚朴 山查 澤瀉

半夏各五分 甘草 猪苓 香附 女人加一錢 薑三片 燈心二十根 水二茶鍾煎八分食前服

徐曰此調和脾胃要用之方 摺案藿香香附徐覽

女人面生粉刺黑斑第一百

粉刺黑斑者水虧不能制火血弱不能華肉以致火燥結成黑斑色枯不澤宜朝服腎氣丸以滋化源早晚以玉

容丸洗之兼戒憂思動火勞傷日久漸退此證不得於夫及疑事不決者常有之

腎氣丸 見肺 癰門 玉容丸 見靈 癰門

鈕釦風第一百

鈕釦風皆由風濕凝聚生瘡久則搔癢如癬不治則沿漫項背當以冰硫散擦之甚者服消風散亦妙

冰硫散 冰硫散內鑿硫磺 釋腦同將羅細包 灰火內燻令藥透 諸虛熱熱共相調

硫黃一兩 樟冰 川椒 生薑 各一錢 共為末先用白蘿蔔一個搥空將藥填滿復將原皮蓋之濕

紙包三四層灰火內燻半時許待冷取開將藥同熟猪油調稠搽之自愈

徐曰此證主方

消風散 見瘡門

枯筋箭第一百二

枯筋箭乃憂鬱傷肝肝無榮養以致筋氣外發初起如赤豆大枯點微高日久破裂趨出筋頭

四字徐曰蓬鬆枯槁

多生胸乳間宜用絲藥線齊根緊繫 此句徐圍批曰此法最捷

七日後自落以珍珠散搽之其疤自收兼戒口味不發

徐曰此即臙子之大者

絲藥線 見圍瘡門

珍珠散 見下瘡門

婦人脚丫作癢第一百三

婦人脚丫作癢乃三陽風濕下流凝結不散故先作癢而後濕又或足底彎曲之處癢濕皆然

枯礬散 枯礬散中用石膏黃丹輕氈共研調四味將來為末搽脚了濕毒即時消

枯礬五錢 石膏 煨 輕粉

黃丹各三錢

右為末溫湯洗淨搽之即愈 楣案石膏輕粉徐圍

手足破裂第一百四

手足破裂者乾枯之象氣血不能榮養故也因熱肌驟被風寒所逼凝滯血脈以致皮膚漸枯漸槁乃生破裂

日襲於風風熱相乘故多作痛以玉肌散洗擦潤肌膏潤之甚者兼服當歸飲子為妙

玉肌散 見瘡門

潤肌膏 見白瘡瘡門

當歸飲子 見瘡門

眼丹第一百五

眼丹脾經有風胃經多熱共結為腫風多者浮腫易消熱甚者堅腫難散初起宜用金黃散敷之有表證者痛

防敗毒散裏證者清胃散加大黃利之如不敢必欲作膿宜換膏貼之膿成者即針之遲則眼頭自破此乃

睛明穴內空難斂成漏者多

辨防敗毒散
清胃散
金黃散

眼胞菌毒第一百六

菌毒者乃脾經蘊熱凝結而成其患眼胞内生出如菌頭大帶小漸長垂出甚者眼翻流淚亦致昏矇治宜用

軟綿紙蘸水磨之眼胞上少頃用左手大指甲墊於患根徐曰右手以披針尖頭齊根切下徐曰以藥線治尤穩血出不妨隨用翠雲錠磨濃塗之其血自止內服涼膈清脾飲二服仍忌海腥煎炒椒薑火酒等件不發

涼膈清脾飲
涼膈清脾飲地黃 石膏芍藥與荆防 薄荷甘草山梔子 還有連翹一味涼

防風 荆芥 黃芩 石膏 山梔 薄荷 赤芍 連翹 生地各一錢

甘草五分 水二茶鍾燈心二十根煎八分食後服

徐曰不必服藥

翠雲錠 治眼胞菌毒用針割後塗之杭粉五兩銅綠末一兩輕粉一錢共研極細用黃連一兩同川米百粒

水一碗煎一半再熬折去二分和藥作錠陰乾臨時用清水少許淨硯上磨濃雞翎蘸搽又治爛弦風眼或

暴赤腫痛者覆搽更效

黑子第一百七

黑子疔名也此腎中濁氣混滯於陽陽氣收束結成黑子堅而不散凡人生此終為不吉面部不善者去之宜

細銅管將疔套入孔內捻六七轉令疔入管一拔便去此四句徐斷有瘡浮淺不能拔者用針挑損搽冰蠅散

少許糊紙蓋之三日自脫或灰米膏點之亦可落後珍珠散乾糝生皮而愈忌醬醋無斑

灰米膏 用成塊石灰燻水調稠將白糯米揷入灰內留半米在外片時許候米熟用米點上可落矣

冰蠅散見瘡 珠珍散見下

狐氣第一百八

狐氣一各狐腋此因父母有所傳染又有因狐胎受生者故不脫本來氣質腋下多有縷紋數孔出此氣味常以五香散擦之內用蒜肚時常作饌食之可以漸退

五香散

五香內有用沈香 更八檀香併木香 加上零麝香更倍 就中九烈辟瘴香

沉香

檀香

木香

零陵香各三錢麝香三分

共爲細末每用五釐津調搽擦兩腋下三日一

次或用香末二錢絹袋盛貯掛於腋下

徐曰非香藥所能愈另有效方

蒜肚方 用公豬肚一具大蒜囊四十枚去殼入肚內以線紮口水煮極爛用鹽醋蘸肚隨便食之氣味甚者用蠟蝦蟆一個入內同煮肚爛去蝦蟆大蒜用熱酒食之洗浴發汗避風三日其氣頓收

白禿瘡第一百九

白禿瘡因剃髮護理洞開外風入結聚不散致氣血不潮皮肉乾枯發爲白禿久則髮落根無榮養如禿斑光潤不癢內血已潮以薑蘆潤肌膏常擦其髮漸生禿斑乾枯作癢者內必有蟲宜用麥錢散搽之蟲死風散髮生愈後忌動風發物等件

徐曰此證之因亦有數種

麥錢散

見痘風 瘡門

治禿瘡頭毛脫落白斑如癬瘡癩癰疊起癢甚有如蟲行葱湯洗淨瘡癩用麻油調搽以甕

帽戴之隨後作疼發腫忍之三日後其癩漸漸而脫其髮一生戒諸發物

諸瘡一掃光

見疥 瘡門

治禿瘡髮脫作癢本藥一錢加倒掛壘二分燈窩宿油調搽自愈

潤肌膏

潤肌膏內用麻油 熬透去渣黃蠟八

柴草當歸一併投 禿瘡後髮脫頭

治禿瘡乾枯白斑作癢髮脫用麻油四兩當歸五錢紫草一錢同熬藥

枯瀉清將油再熬加黃蠟五錢化盡傾入碗內頓冷搽擦自愈

奶癖第一百十

奶因兒在胎中母食五辛父殯炙燥遺熱與兒頭面徧身發為奶癩流脂成片睡臥不安搔癢不絕以文蛤

散治之或解毒雄黃散甚則翠雲散用青缸汁調搽

徐曰此乃小兒食乳時之癖又名胎癖

文蛤散 文蛤散中輕粉末 川椒倍子炒須無 香油調搽兒奶癖 乳母還須飲食調

文蛤 四兩點紅川椒二兩輕粉五錢 先將文蛤打成細塊鍋內炒黃色次下川椒同炒黑色烟起為度入

罐內封口存性次日入輕粉碾為細末磁罐收貯香油調搽奶母戒口為妙

徐曰奶癖與諸癖微不同此方甚平善

解毒雄黃散 見血風 瘡門 翠雲散 見楊梅 瘡門

蟾拱頭第一百十一

蟾拱頭俗名腦猪是也患小而稟受悠遠皆父精母血蓄毒而成只發一次其患腫高破之又腫皆稟受時原

有衣膜相裏毒雖出而膜未除故愈而又發腫甚膿熟者用針刺破以三品一條槍挿入孔內

徐曰此却可用 然亦有用法

化盡內膜自愈又有不腫而不收口者此必風襲患口宜敗銅散搽之兼戒口味自愈

徐曰此證用葶麻子打千槌膏加提毒摻藥可愈也

敗銅散 敗銅散用舊鐵末 銅錫鉛礬燒化成 性熱最能收濕水 一乾再不復回津

治蟾拱頭已破後膿水不乾愈而又發久不收口用化銅膏搽為末

洗淨患上香油調搽忌口

三品一條槍 見瘡 毒門

小兒遺毒爛斑第一百十二

遺毒乃未生前胞胎稟受因父母楊梅瘡後餘毒未盡精血孕成故既生之後熱湯洗浴烘薰衣物外熱觸動

內毒發於肌膚之表先出紅點次成爛斑甚者口角穀道眼眶鼻面皮肉俱壞多妨乳哺啼叫不安初治宜

早內與土茯苓湯調人中黃末每日數次共飲四五分外用解毒紫金丹磨塗十中可保三四週延毒甚爛斑偏身不乳者百中難活一二此由根帶受毒深故也

人中黃 治小兒諸胎毒痘疹黑陷內收唇焦口乾風熱斑疹赤遊丹毒兼治大人傷寒陽證發狂或諸惡瘡毒氣入裏口燥咽乾煩渴悶亂中諸砒草河豚等毒諸般急病無有不效用毛竹一段兩頭留節一頭鑽一小孔用粉草磨爲細末從孔灌滿以木條塞緊孔眼用磚紮之沉入大糞池內半年取起長流水浸一日帶竹風乾磁罐收貯大人每服二錢小兒每服三四分涼水調服小兒胎毒爛斑土茯苓湯調服尋常熱病入應病藥中調服

徐白人中黃只宜治此等陽明惡毒之證令其入於腸胃隨糞瀉出近日醫家不論何病加入煎藥之內竟

是吃糞水矣其可笑如此

眞君妙貼散 見腫門 治小兒胎毒皮肉腐爛疼痛不安用此敷卽效

解毒紫金丹 見疔瘡門

螻蛄串第一百十三

螻蛄串由於思慮傷脾脾氣鬱結所生是疾氣血澆薄者多脾主四肢其患多生於兩手初起骨中作疼漸漸漫腫堅硬不熱不紅手背及內關前後連腫數塊不能轉側日久出如豆腐漿汁串通諸竅日夜留連腫痛仍在患者面黃肌瘦飲食減少久則寒熱交作內證並出首尾俱宜益氣養榮湯加味逍遙散調和氣血扶助脾胃可生者十之二三補而不應氣血瀝盡而亡者多

徐曰此虛痰流注也當兼用補藥 又曰此證有似流注惟連綿通串爲異乃純虛之證也

益氣養榮湯

加味逍遙散 見瘰癧門

小兒痘風癩第一百十四

痘風癩因痧痘後毒發未盡留熱肌膚復被外風侵入其患先從細瘡作癢次漸沿開成片脂水生癩搔之無
度宜用麥錢散搽之兼戒口味避風自愈

麥錢散 麥錢散療痘風毒 硫黃白信要用當 川椒生熟藥同碾 調入麻油一擦光 治小兒痘風作癢疊成片甚則頑麻不知痛用小麥一升炒枯黃色

乘熱入鉢內和硫黃四兩白礬一兩細末攪勻待冷取起加烟膠半斤川椒三兩生枯礬各二兩共碾細末
臨用葱湯洗淨以麻油調搽油紙蓋紮三日一換三次愈

徐曰白礬却不可輕試換一味為穩然此治禿瘡為宜痘瘡太猛
小兒赤遊丹第一百十五

赤遊丹受毒於未生前發病於有生後蓋身在胞胎皆賴父精母血生養父母不能節慾淫火猖熾又不能戒
諸厚味以及炭火烘薰重衾疊褥種種熱毒胎皆受之及至生後熱湯洗浴烘薰衣物觸動內毒先發身熱
啼叫驚搐次乃生丹紅腫光亮瞬息遊走發無定處先從頭額起者名天奪丹以升麻葛根湯母子同服餘
或起於腹背流入四肢者輕起於四肢流入胸腹者重有此總皆先從惡血為要 徐曰亦 砭血之後先用精
猪肉薄片貼之一時許換如意金黃散用水芭蕉根搗汁調敷 徐曰過 甚者日換二次內服大連翹飲消毒
犀角飲五福化毒丹毒氣入裏腹脹堅硬不乳者紫雪散下之三日後身漸微涼砭血之處肉便軟活聲清
腹軟乳哺如常者順反此為逆

徐曰亦有胎毒全無因火濕交侵而生者

升麻葛根湯 升麻葛根湯麻葛 柴胡木通甘草入 黃芩白芍黑山梔 丹毒遊行功可必 治丹毒身體發熱面紅氣急啼叫驚搐

升麻 乾葛 白芍 柴胡 黃芩 山梔 各一錢 木通 甘草 各五分 水一茶鍾煎八

分不拘時母子同服

徐曰方亦近似總以外治為主

大連翹飲 大連翹飲炮芍歸 車前滑石石膏隨 翹防甘麥柴芍等 鱗木通牛勞宜 治小兒丹毒發熱痰涎壅盛一切諸瘡疔疹頸項生核或傷風傷寒

時行發熱等證並宜服之

連翹 瞿麥 滑石 車前子 半蒴子 赤芍 山梔 木通 當歸 防風

黃芩 柴胡 甘草 荊芥 蟬蛻 石膏各五分 水二茶鍾燈心二十根煎八分母子同服

徐曰方太雜

消毒犀角飲 消毒犀角飲防風 甘草黃連要協同 運用燈心為引使 赤遊丹腫有神功 治小兒丹毒身熱氣粗啼叫驚搐不寧

犀角 防風 各一錢 甘草五分 黃連三分 右水二茶鍾燈心二十根煎四分徐服之

紫雪散 紫雪散犀麻石共 沈木香兼參草用 寒水硝硃金箔冰 赤遊丹毒堪施送 治小兒赤遊丹毒甚者毒氣入裏肚腹膨脹氣急不乳即宜此藥救之

又治寒熱躁發狂及外科一切蓄毒在內煩躁口乾恍惚不寧等證

升麻 寒水石 石膏 犀角 羚羊角各一兩元參二兩沉香 木香 各五錢 甘草 八錢 水五

碗同藥煎至一碗漚清再煎滾投提淨朴硝三兩六錢微火慢煎水氣將盡欲結之時傾入碗內下硃砂冰

片各二錢金箔一百張各預研細和勻碗頓水內候冷凝成雪也大人每用一錢小兒二分十歲者五分徐

徐嘍之即效病重者加一錢亦可或用淡竹葉燈心湯化服

徐曰紫雪另有古方全劑修合甚費此乃改作小料以便隨時製用耳 相案紫雪非散古方但稱紫雪此加

散字蓋沿明刻本誤改明刻作紫雪歌也

針砭之法 針砭之法絕世奇 丹上施針筋擊之 砭畢須將豬肉貼 赤遊瘰腫用相宜 治小兒赤遊丹毒紅赤掀腫遊走不定用披針鋒尖向丹上以烏木重

筋在針上擊之密砭去血多者為妙血紅者輕紫者重黑者死砭畢溫湯洗淨用乾精豬肉縫大片貼砭處

一時許方換如意金黃散水芭蕉根搗汁調敷

徐曰此不得已而用之如有良藥皆不必也

如意金黃散 見門 治小兒赤遊丹毒紅如礮熱如火走如雲散及遍身不定者用水芭蕉根搗汁調敷加蜜亦可

五福化毒丹 見胎

走馬牙疳第一百十六

走馬牙疳言其患迅速不可遲治也乃痧痘餘毒所中又有雜病熱甚而成者初起牙齦作爛隨即黑腐作臭

甚者牙齦脫落齦旁黑朽不數日間穿腮破層誠為難治初起宜用蘆薈消疳飲外用人中白散或冰硼散

搽之取去黑腐內見紅肉血流者吉如取時頑肉不脫腐爛漸開掀腫外散臭味不止更兼身熱不退者俱

為不治 牙疳有五不治口臭涎酸一不治黑付不脫二不治牙齦血三不治穿腮破層四不治用藥不效五不治

蘆薈消疳飲 蘆薈消疳飲薄荷 元參甘桔共柴胡 梔連麻芩羚羊角 竹葉石膏不可無 治小兒走馬牙疳身熱氣粗牙齦腐爛氣味作臭內及穿腮破層者

蘆薈 銀柴胡 胡黃連 川黃連 牛蒡子 元參 桔梗 山梔 石膏

薄荷 羚羊角各五分甘草升麻各三分 水二棗鍾淡竹葉十片煎六分食後服

徐曰藥味不外乎此但蘆薈黃連苦極傷胃當思變通之法又此方太寒宜滋陰驅風解毒清火為妙

人中白散 人中白散最稱奇 黃柏兒茶青黛宜 冰片薄荷研細末 溫湯漱淨口疳吹 治小兒口疳走馬疳及牙齦腐爛黑臭者

人中白 濕毒者佳 煨紅二兩 兒茶一兩黃柏 薄荷 青黛 各末 六錢 冰片 五分

上日用六七次吹藥涎從外流為吉內收涎毒入裏為凶 共再研極細先用溫湯漱淨吹藥疳

徐曰此治象疳之法若走馬疳牙內有蟲又毒火如焚非殺蟲及清火之藥不能奏效當另覓良方也

冰硼散 見胎 喉門

重舌第一百十七

大人小兒重舌乃心火妄動而發當以線針點刺 此句徐勸批 不宜用針 令出惡血內服解毒瀉心湯外以冰硼散搽之又

有紫舌木舌亦由心火而發用飛鹽加冰片少許動搽出涎自愈又有痰氣結於舌上成核作痛硬強者用線針點破出血冰硼散搽之服後藥

徐曰此證塗紫雪極效

黃連瀉心湯

瀉心湯內用黃連 荆芥山梔黃芩等 麩草牛蒡薄荷葉 木通加上效如仙

治大人小兒心火妄動結成重舌木舌紫舌腫脹堅硬語言不利

黃連

山梔

荆芥

黃芩

連翹

木通

薄荷

牛蒡子

甘草五分

水二茶鍾燈心二十根煎八分後服

徐曰水通治之方

針刺法

治重舌木舌紫舌等疾腫脹疼痛硬強不語又兼舌根併兩齒合縫盡處作腫瘰肉塗塞口噤難開

俱用此法刺之用粗線針紮在筋頭上在患處點刺出血紅紫毒輕紫黑毒重患甚者數十點皆可血盡溫瀉激之重者金鎖匙輕者冰硼散搽之流去熱涎內服涼膈散或清涼飲可選用
徐曰此法或有用處然塗藥得宜自能漸消不必用此也

金鎖匙

冰硼散

涼膈散

四順清涼飲

俱見喉門

胎癰第一百十八

胎癰者初生小兒頭上胸乳間腫起大者如饅小似梅李此皆胎中瘀血凝滯而成須候兒滿月外方可用針

刺破出如赤豆汗則安

此二句徐嗣此曰竟刺 勿疑當用軟藥封好

內服五福化毒丹

五福化毒丹

五福化毒丹連棗 甘肅人參赤芍等

元參藤草牙硝片 甘草砂衣用金

治小兒蘊積胎毒以及諸瘡癰疹傷風斑證口舌生瘡痰涎壅盛

諸言煩躁夜睡不寧者

元參

桔梗

赤苓各一兩人參二錢黃連

龍膽草

青黛

牙硝各一兩甘草五錢

冰片五分

硃砂三錢

金箔二十張

為衣

右為末煉蜜丸芡實大每服一丸薄荷燈心湯化服兼治瘡證後餘毒

上攻口齒瀝血臭穢以生地黃汁化下如無地黃竹葉燈心湯亦可

徐曰此方平安可用治上焦火毒尤良 又曰癰證非服藥所能愈外治之時服此以養氣亦宜
鵝口瘡第一百十九

鵝口瘡皆心脾二經胎熱上攻致滿口皆生白斑雪片甚則咽間疊疊腫起致難乳哺多生啼叫以青紗一條裹筋頭上蘸新汲水搽去白胎以淨為度重手出血不妨隨以冰硼散搽之內服涼膈之藥
徐曰此證宜紫雪最效

冰硼散 見咽 喉門 涼膈散 見胃 脾門

痘癰第一百二十

痘癰乃出痘溜漿不足毒流於脾肺二經致手脚脰背結成漫腫大如桃李多發在收靨之後身涼不渴者為

吉有此不必內消 此句 徐園 宜貼太乙膏候膿熟針之元氣虛弱者兼服保元湯助脾胃健胃為要

保元湯 保元湯用參耆朮 藥理還須甘草同 大棗二枚薑一片 膠清不飲即收功 治痘癰出膿之後脾胃虛弱膿清不斂者

人參 黃耆 白朮各一錢甘草三分 薑一片棗二個水一鍾半煎六分食遠服

徐曰太蠻

痘疔第一百二十一

痘疔乃痘毒升發不盡留於心肝二經初生紫點次日變黑毒淺者浮高而潤毒甚者深陷而焦其發多出於

七朝上下將靨之際又生於臀腿手足身溫痘潤音清者吉發在肚腹腰腎身熱色枯聲啞者凶凡見此者

急用針刺疔根挿入蟾酥條候四邊裂縫 此句 徐勒 疔搖動者用刀割去 四字 徐勒 搽玉紅膏生肌完口如針無血挿藥

乾枯不變膿者終為不治但此證屬有餘首尾俱宜加減鼠黏子湯為要

徐曰雖是疔毒但係痘後又屬幼科不得與治壯夫同另有和平安穩之法 又白此與真疔微異不得輒

用重藥內託毒氣外用拔疔膏足矣

加減鼠黏子湯加減鼠黏子湯 花粉知母相當 荆芥山梅甘草 燈心竹葉煎膏

鼠黏子 天花粉 知母 荆芥

山梔各六分甘草三分 水二茶鍾淡竹葉燈心各二十件

煎服身熱加柴胡黃芩有痰加麥冬貝母咽啞加元參桔梗咬牙加薄荷石膏便秘加蜂蜜元明粉昏憤加

黃連硃砂癩枯加當歸生地戀疤加蟬蛻川芎

徐曰此方太寒

八珍湯見腫 揚門 治疔疔落後氣血虛弱膿水出多不能生肌收斂

蟾酥條見疔 揚門 玉紅膏見腫 癰門

黃水瘡第一百二十一

黃水瘡者頭面耳項忍生黃色破流脂水頃刻沿開多生痛癢此因日曬風吹暴感濕熱或因內陰濕熱之物

風動火生所致治宜蛤粉散搽之必愈真君妙貼散亦效

蛤粉散蛤粉散治黃水瘡 膿水沿開痛莫當 石膏黃柏併輕粉 水調敷上最為良

蛤粉 石膏煨各一兩 輕粉 黃柏生曬各五錢

真君妙貼散見腫 癰門 共為細末涼水調搽冬月麻油調亦好

明崇川陳寶功著

吳江徐大椿靈胎評

海甯許相本水訂
蔣光燾寅叻校

大人口破第一百二十三

口破有虛火實火之分色淡色紅之別虛火者色淡而有白斑細點甚者陷露龜紋脈虛不渴此因思慮傷脾
多醒少睡虛火妄動而發宜四物湯加黃柏知母丹皮肉桂內桂徐勒以為引導從治法也外以柳花散搽之實
火者色紅而滿口爛斑甚者腮舌俱腫脈實口乾此因膏梁厚味醇酒灸熯心火妄動而發宜涼膈散外搽
赴筵散吐涎則愈如口舌生瘡舌乾黃硬作渴者加減八味丸以滋化源俱禁水漱
徐曰此症不外清火養陰亦當用紫雪碧雪等藥塗之

柳花散 柳花散內君黃柏 青黛肉桂並研末 冰片還須加二分 用吹口破功難述

黃柏 淨末 一兩 青黛 三錢 肉桂 一錢 冰片 二分

赴筵散 赴筵散內柏苓連 梔子乾薑各自研 細辛等分和勻用 吹搽口破即安然

黃連 黃柏 黃芩 梔子 乾薑 細辛各等分 右為末吹患處

四物湯 見瘰癧門 涼膈散 見咽喉門 加減八味丸 見瘰癧門

唇風第一百二十四

唇風乃陽明胃火上攻其患下唇發癢作腫破裂流水不疼難愈宜銅粉丸泡洗內服六味地黃丸自愈

銅粉丸 銅粉丸中輕粉礬 銅青宮粉麝香兼 黃連膏子同冰片 泡洗唇風效不凡

銅青 五錢 宮粉 三錢 明礬 一錢 麝香 一分 冰片 一分 黃連 二兩 切片 煎稠膏 輕粉 一錢

用一丸放碗內湯泡紙蓋候燂熱用上面清水勤洗之自愈 梔案唇風本在一百三十九今移于此

臭田螺第一百二十五

臭田螺乃足陽明胃經濕火攻注而成多生足指脚丫白斑作爛先癢後痛破流臭水好似螺壓甚者脚面俱

腫惡寒發熱先宜甘草湯洗淨貼蟾酥餅三日三枚後用珍珠散猪脊髓調搽膏蓋掀腫處用真君妙貼散

敷之其腫漸消勿即步履

蟾酥餅見疔瘡門

珍珠散見疔瘡門

真君妙貼散見腫瘡門

牛程躑第一百二十六

牛程躑乃程途奔急熱脚下水見風以致氣滯血枯結成頑硬皮肉榮衛不滋漸生疼痛腫高突起脚難行走

久則破裂膿水每日溫湯淨洗搽牛角散又有內膿攻注皮頑難破者以大線針鋒頭挑破出膿硬皮敲破

者翦去之徐曰皮尚活不可翦奈何肉不生者玉紅膏長之肉滿不生皮者珍珠散搽上生皮乃愈

徐曰此係內毒生足跟皮內最難療治

牛角散牛角散用牛角灰松香輕粉共研之本方加上水龍骨牛髓調和敷上宜

牛角尖燒灰水龍骨松香輕粉各等分共為末牛骨髓調搽虛弱者兼服十全大補湯

徐曰此專治之方水龍骨或謂即船上舊油灰 榴案牛角尖水龍骨牛骨髓徐圈

玉紅膏見腫瘡門 珍珠散見疔瘡門

螻蛄蚌第一百二十七

螻蛄蚌多生手指節中不紅不熱腫如蟬腹此句徐乃手少陰痰氣凝滯而生初起不疼日久方痛痛久方腐

腫仍不消蟾酥餅膏貼漸作稀膿近者一載遠者三年此症體弱者有之內兼補劑免變癆瘵病

徐曰治手法與齶爛瘡同

酥蟾餅見疔瘡門

田螺泡第一百二十八

田螺泡多生手足忽如火燃隨生紫白黃泡此脾經風濕攻注不久漸大脹痛不安宜線針挑破泄去毒水太

乙高蓋挑破又生者內服解毒瀉脾湯可愈

解毒瀉脾湯 解毒瀉脾牛蒡子 防風蒼朮共山梔 石膏甘草黃芩等 木通燈草瀉心脾

防風 牛蒡子 山梔 石膏 黃芩 蒼朮 甘草 木通各二錢 水二鍾燉心二

十根煎八分量病上下食前後服之

太乙膏 見腫 搗門 蟾酥餅 見疔 瘡門 玉紅膏 見腫 瘡門

皴痛第一百二十九 謂案皴原本作臉誤字書 皴手足拆裂也今通作皴

皴痛多起於手足乃風寒鬱於皮毛致血不榮於肌表皮槁多痛似無皮之狀宜葱湯浸洗良久隨以潤肌膚

擦之勿見風冷就暖自愈又每年逢冬即發者須三伏時曬搗爛大蒜間擦三次不再發

凍風第一百二十

凍風者肌肉寒極氣血不行初起紫斑久則變黑腐爛作膿者以碧玉膏主之生肌斂口

碧玉膏 見結 瘡門 治凍風皮肉損爛膿血淋漓疼痛不止者

獨勝膏 獨勝膏方最散寒 凍風凍耳莫靈煎 六月每逢三六日 擦之冬凍不相干 治凍風凍跟凍耳每遇冬寒則發六月初六十六二十六日用獨蒜搗

膏日中曬熱 四字 徐圍 在於遇冬所發之處擦之忌下湯水一日共擦三次可以不發又每常凍風用茄根同葱

煎湯浸洗亦不重發 搦案此即皴痛之甚者原本在膿窠瘡之後今姑仍分爲二門而移於此

陰論第一百三十一

陰風又名八脚蟲乃肝腎二經濁氣所成生此不爲清吉銀杏散津調擦之內服六味地黃丸每斤加蜜炒黃

柏一兩蘆薈五錢以清化源愈後不發

徐曰髮內亦有

銀杏無憂散 銀杏無憂散傳香 水銀輕粉與雄黃 杏仁狼毒兼麻膏 七味研和調蠟瓦

水銀 鉛製 去皮 輕粉 雄黃

狼毒 蘆薈 各一 麝香 一分

除水銀杏膏餘藥共碾細入上

二味再研勻先用土菖蒲煎湯洗之用針挑去虱孔隨用津唾調擦使藥氣入內則不復生切忌牛犬鬣肉

徐曰用百部洗妙 梹案杏仁徐圈

六味地黃丸 見肺 麻門

葡萄疫第一百三十二

葡萄疫其患多生於小兒感受四時不正之氣鬱於皮膚不散結成大小青紫斑點色若葡萄發在徧體頭面

乃為疔症邪毒傳胃牙根出血久則虛人初起宜服羚羊散清熱涼血久則胃脾湯滋益其內又有牙齦腐

爛者用人中白散

羚羊角散 羚羊角散用防等 牛旁知母與元參 甘草麥冬淡竹葉 止血消斑功效靈

羚羊角 防風 元參

知母 黃芩

牛蒡子各八分甘草二分

水二茶鍾淡竹

藥十片煎六分食遠服

徐曰此為主方 梹案羚羊牛蒡子徐圈

胃脾湯 胃脾湯內甘草陳 遠志沙參共茯苓 白朮麥冬五味子 臘鼠自汗可回春

白朮 茯苓 陳皮 遠志 麥冬

沙參各六分五味子

甘草各五分

水二茶鍾煎

八分食遠服虛弱自汗者去沙參加人參黃耆各五分

徐曰白朮一味不切

人中白散 見口 疔門

咬傷第一百三十三

人咬爲患，良肉受傷，陽明胃經之脈循頰，車入齒縫，多火多熱，凡食此無不爛，下咽又飲食炙博之毒，無不侵襲，故傷人發腫，其痛異常，臭膿腐爛，痛徹連心，初咬時一日內以熱小便浸傷處，洗淨牙黃，瘀血咬孔，上蟾酥餅貼之，膏蓋後，出微膿，漸愈。如咬時未經此法，致腫痛發，疼甚者，亦用童便浸洗，泡乾，用粗紙擦，藥麻油點火，用燭燻薰咬處，良久方住，以解牙毒，仍以蟾酥條插入孔內，膏蓋候腫消時，換玉紅膏搽之，長肉完口，如有雜症相兼者，亦隨症而治。

葱白甘草湯 葱白甘草湯二味 能治咬傷疼臭穢 治咬傷，掀腫疼痛，膿血淋漓，臭穢腐爛者，用葱白二兩，粉草五錢，

水三碗，煎至二碗，每日洗淨傷處，瘀腐膿血，方用玉紅膏搽黑膏蓋，漸愈。

蟾酥餅條 見疔 瘡門 玉紅膏 見腫 瘡門

風犬傷第一百三十四

風犬朝夕露臥，感非時不正之氣，故心受之，其舌外出，肝受之，其目昏朦，脾受之，其涎自流，肺受之，其音不出，腎受之，其尾下拖，五臟受毒，乃成風犬。全稟陰陽肅殺之氣，故常無故傷人。初咬即服救生散，令小便中行，出血片，宜居靜室，忌諸口味發物，并忌見諸麻赤豆等物，及聞鑼聲百日，乃安。治之遲者，毒大而小便難出，必攻臟腑，久而成形，腹脹攻急，人聲若犬，眼神露白，則不可治。有愈後犯前禁，復發者，仍死。

救生散 救生散用斑斕七 去頭翅足用其身 杭粉一錢同作末 空心酒服效如神 治風犬咬傷，用生斑斕七個，去頭翅足，杭粉一錢，同研空心溫黃酒調

服一時許，小便行，出血片，白脂乃惡物也。如便疼煎甘草湯飲之，自利如毒未盡，次早再一服，至小便清白

方爲毒盡

徐曰別有效方

又方 治風犬咬其人頂中，必有紅髮一根 此句 徐圖 急須拔去，以追風如聖散敷傷處，抽毒氣，內服救生散。

徐曰宜更服木鼈子末如髮數，相案如髮數，旬未解意者，紅髮一根，服木鼈末一枚，之數如有二根，則服

二枚以次遞加故曰如髮數徐蓋語焉而未詳耳

追風如聖散

追風如聖散吹風川草烏等藥同
白芷細辛蒼朮等雄黃加上有奇功

治風犬咬傷隨用敷之其毒即可拔出

細辛

防風

川烏

薄荷

草烏

川芎

白芷

蒼朮各一兩雄黃四錢

共為末

溫酒調敷傷處以紙蓋扎早晚換二次

惡蟲叮咬第一百三十五

惡蟲乃各稟陰陽毒種而生且如蜈蚣用鉗蝟蜂用尾蛇以舌見之者勿觸其惡自不被整苟有所傷各尋類

而推治

治蜈蚣咬方

用蟾酥餅磨濃塗傷處粗紙捻蘸麻油點火用烟燻之疼腫自消或用雄雞糞搗水塗之或用頭垢搽傷

處以撚燻之俱效

徐曰人馬平安散外塗內服大妙

人馬平安散補

西牛黃四分冰片六分麝香六分蟾酥一錢火硝三錢滑石四錢石膏二兩煨大赤金箔四十張 共研極細末磁

瓶收藏切勿洩氣此方本治夏月受暑頭目昏暈或不省人事或患痧腹痛吹入鼻中立時起死回生如驟

馬受熱暈倒亦將此吹鼻即愈

治蝮螫方

蝮有雌雄二種雄者螫人痛在一處雌者痛牽徧體用井底泥敷痛處乾則易之一時無泥取新汲水以青

布隨痛處搭之溫則再易又方五月五日用黃蠟二兩鎔化將凝時投雄黃硃砂細末各三錢和勻捏成餅

窩仍用蠟兒眼草白汁端午時滴入窩內陰乾愈久愈佳復捏成塊密收臨用取一米許刺針尖上以蠟

化開滴止螫之處其疼即止矣

治蛇螫方

用雄黃末四字蘭葉搗汁調敷腫上內用半枝蓮搗爛取汁一兩熱酒四兩和汁服之蓋汗為效仍用渣敷

傷處亦妙又方速用端午收採蒼耳草末五錢水煎一鍾熱服蓋汗即安如無端午收採者使用常日採取陰乾者煎服一兩發汗亦效

又治七寸蛇螫方

七寸蛇青色扁形尖尾短足紅口者毒輕青口者毒重以舌螫人其毒最惡初螫時用雄黃末一錢生礬二

錢杓內鎔化將筋頭點藥傷處此二句徐密點批曰冷則易之連點七次即愈毒氣入裏者解毒紫金丹酒磨服

一錢蓋汗即愈遲延毒走腫痛者麻油醃薰之亦癒

治河豚毒方

河豚血毒中人舌麻心悶白茅根搗汁冷飲子毒中人昏悶腹脹口噤難言非金汁不能解也

百蟲入耳第一百三十六

百蟲入耳乃偶然誤入如蠅蚊細蟲以麻油數點滴入竅中蟲即自死取出如蜈蚣蜜蜂等大蟲以肉炙香安

耳邊其蟲聞香自出有蟲夜間暗入者切勿驚慌響叫逼蟲內攻宜正坐點燈光向耳竅其蟲見光自出對

面有人見其蟲不出

誤吞針鐵骨哽咽喉第一百三十七

誤吞針刺哽咽喉疼痛者用亂麻筋一團搓龍眼大以線穿繫留線頭在外湯濕急吞下咽頃刻扯出其針頭必

刺入麻中同出如不中節再吞再扯以出為度誤吞銅物者多食葶藶化堅為軟若吞鐵骨之物腸中不能

轉動覺墜者多食青菜豬脂自然送入大腸與糞同出諸骨哽喉用玉簪花根八錢各隨所犯之肉為引煎

湯服之轉出乃愈徐曰玉簪花湯須用竹管放喉間又諸骨哽於咽下不能外出者烏龍針推之骨下則安其法以

細鐵線繞軟對折雙頭用黃蠟作丸如龍眼大裹鐵線頭上外用絲線裹之推入咽內其骨自然順下不下

再推徐曰此法無用又方用玉簪花根切片煎湯漱之徐徐吐出其骨自軟再用乾飯噉之自下

人面瘡第一百三十八

人面瘡古有生者近世罕聞其瘡全似人面眼鼻俱全多生膝上亦有臂患者方書皆云積冤所致先須清心

懺悔改過自新然後服十六味流氣飲外用貝母為末敷之乃聚眉閉口次用生肌斂口藥亦可得愈矣

十六味流氣飲見流注門

陰毒第一百三十九

陰毒乃純陰無陽被天時寒冷肅殺之氣侵入肌膚沈於骨髓致氣不能升血不能行凝滯經絡疼痛切骨初

起不腫不熱朝輕暮重欠則作腫漸紅爛斑黑腥臭水淋漓穢氣薰蒸腐爛漸開終久必死一人年三十歲

冬月隔港與鄰婦私交房事方畢忽婦夫回慌忙隔港赴水而走熱身受寒五日後小腹大醫陰痛不腫日

夜響叫至一月後穀道傍生一爛斑黑腥倒陷諸藥不效至半月大醫連黑腐爛作臭乾膿無膿又十日大

膿俱壞黑敗而死又一入年四十歲夏月好飲火酒至夜赤身露臥手膊連背陰痛難忍一月後肩發爛斑

一塊周圍微硬色如紅棗日漸延開半月後手膊背共成黑蠶臭穢不堪一月不食而死一人中年肥胖亦

冬夏好飲火酒飲後隨吃涼水方臥一日頸項作疼微腫堅硬如石三月外項大如頭石硬不熱真陰毒也

余辭不治請別醫治之項同身大不食而死又一人夜夢城隍拘見責打二十喊叫其妻喚醒隨後受刑處

掀腫作疼青紫急腹視之真棒毒也用針刺破流瘀血碗許外肉腐爛作疼調理兩月而安此亦陰毒故附

失榮者先得後失始富終貧亦有雖居富貴其心或因六欲不遂損傷中氣鬱火所凝隧痰失道停結而成其
患多生肩以上初起微腫皮色不變日久漸大堅硬如石推之不移按之不動半載一年方生陰痛氣血漸
衰形容瘦削破爛紫斑滲流血水或腫泛如蓮穢氣薰蒸晝夜不歇半生瘡瘡愈久愈大越潰越堅犯此俱
爲不治予立二方曾治數人雖不獲全愈而不夭扎速死誠緩命藥也

和榮散堅丸 和榮散堅歸地參 扶神丸附貝南星 丹酸遠柏併龍齒 蘆薈磁砂與角沈 治失榮症堅硬如石不熱不紅漸腫漸大者

歸身 熟地 茯神 香附 人參 白朮 橘紅各二兩貝母 南星 棗仁

遠志 柏子仁 丹皮各一兩蘆薈 角沈 各八錢龍齒 一兩煨無龍齒或用 鹿角尖二兩煨亦可 磁砂 六錢 爲衣 右爲細末煉蜜

丸桐子大每服八十丸食後用合歡樹根皮煎湯送下患者若猛省自寬澹薄甘命亦有十中一二得愈者

否則難脫然也

徐曰不成方

飛龍阿魏化堅膏 治失榮症及癰瘤乳巖瘰癧結毒初起堅硬如石皮色不紅日久漸大或疼或不疼但未

破者俱用此貼用蟾酥丸藥末一料加金頭蜈蚣五條灸黃去頭足研末同入熬就乾坤一氣膏二十四兩

化開攪和重湯內燉化紅緞攤貼半月一換輕者漸消重者亦可不大常貼保後無虞

中砒毒第一百四十一

砒乃陽精大毒之物服之令人臟腑乾涸皮膚紫黑氣血乖逆而死知覺早者大蘭根葉搗汁灌之輕則可解
無蘭處以生菜豆同水研爛以水灌之多則見效如不解者以全汗灌之必甦甦後如顛不語者每日以菜

豆水飲之毒盡則愈

取金汁法 用大毛竹一連二節用刀刮去外青一半用磚托節中沈入大糞池內一年後取起以長流水浸

一日取起鑽開節孔內蓄糞清磁罐收貯凡遇有中砒毒河豚毒傷寒陽毒發狂疔瘡痧症毒氣入裏煩躁

口乾渴欲飲水脈大有力者宜此藥

落下頰法第一百四十二 榻案類當作頰額車
下正中骨即下把殺

落下頰者氣虛不能收束關竅也宜令平身正坐醫者以兩手託住下頰左右大指入口內納槽牙上端緊下頰用力往肩下捺開竅向腦從送上即投關竅隨用絹條兜頰於頂上半時許去之即愈

徐曰此症兼有風痰

救自刎斷喉法第一百四十三

自刎者乃迅速之變須救在早遲則額冷氣絕矣初刎時氣未絕身未冷急用絲線縫合刀口糝上桃花散多糝爲要急以綿紙四五層蓋刀口藥上以女人舊布裹脚將頭擡起周圍纏繞五六轉扎之患者仰臥以高枕枕在腦後使項鬱而不直刀口不開冬夏避風衣被覆暖待其氣從口鼻通出以薑五片人參二錢川米一合煎湯或稀粥每日隨便食之接補元氣三日後急手解去前藥用桃花散糝刀口上仍急纏扎扎二日急用濃葱湯軟絹蘸洗傷處渴乾用抵脚挑玉紅膏放手心上捺化捺於傷口再用舊棉花薄片蓋之外用長黑膏貼裏周圍交扎不脫膏之兩橫頭再用黑膏長四寸闊二寸豎貼膏上上下下黏連好肉庶不脫落外再用絹條圍裏三轉針線縫頭冬月二日夏月二日每用葱湯洗渴換藥自然再不疼痛其肉漸從兩頭長合內服八珍湯調理月餘如大便結燥用猪膽套法不可用利藥雙嚔俱斷者百日單斷者四十日必收功完口此法曾治強盜郭忠忠皂隸沙萬家人顧興俱雙嚔齊斷將危者又單嚔傷斷者十餘人治之俱全活

玉紅膏 見腫

桃花散

如聖金刀散 見金

八珍湯 見潰

試知百病死主法第一百四十四

疾病非明醫不能決其凶吉死生非神聖不能洞其機關予得呂祖一枝梅方真仙傳也不敢私秘刊以傳世

呂祖一枝梅 呂祖傳授一枝梅
二條雄雞共腦脂

巴豆蠶脂等藥子
餅貼印堂識生死

治大人男婦小兒新久諸病生死難定之間用藥艾實大一餅貼

印堂之中點官香一枝香盡去藥已後一時許貼藥處有紅斑暈色腫氣飛散謂之紅霞捧日病雖危篤其人不死如貼藥處一時後無腫無紅皮肉脹舊不變徐曰血內已死故如此謂白雪漫野病雖輕淺終歸冥路小兒急慢驚風一切老幼痲疾如貼之紅腫即愈此方可預知生死也

硃砂 三錢 銀硃 一錢 五靈脂 三錢 麝香 三分 草麻仁 五分 雄黃 巴豆仁各五錢
不去油

中午時共研加油胭脂爲膏磁盒收藏勿經婦女手臨時用豆大一圓捏餅貼印堂中其效立見用過餅送入河中

造孽報病說第一百四十五

怪症出於無端事必因乎有據感應篇曰若開是如花必結如是果一黃册書手每至甲首家務要殺雞一隻先食頭尾一歲二熟下鄉殺雞不計其數一朝數盡口中生出如菌者大小六枚填塞滿口湯水難下余視之乃孽疾也辭不可治別請一醫用刀割去次日又生如舊延至六十日肌膚盡削存骨如紫而死一竿槍戶傷殘生鳥假如每日十命一歲共計三千六百盡屬死於無辜况其雛之不得生者多矣彼生子三人俱至六七歲獨身先發紅點癢痛異常數日後點如鑽蝕腐爛流血口稱百鳥相啄令人趕打不去至月外氣血灑盡俱亡予後勸解燒毀竿矢合族持齋六十二歲生一子方得成立一人五十餘歲家衆養雞十餘隻一朝衆雞齊叫彼怒之將衆雞兩脚齊肘安檻上剝斷其雞亂叫飛跳血盡俱死一年後足生脫疽筋骨伶仃流血不止命妾將刀割去脚骨灑盡氣血而亡一富家置窩弓兼養鷹犬五十後方生一子二歲左右頭角生孔一處俱已露骨視之乃孽病也不敢言其不治奉上藥方修合用之無效請衆醫治之強投藥餌延至三歲而歿其人後遭橫事死於非命一莊家以獵事爲樂五十後獨身生塊破後腐爛見骨余知爲孽報謂曰先當杜養鷹犬然後此病可治彼從之內服益氣養榮之藥外用甘草當歸煎洗仍搽玉紅膏長肌完口三月餘而愈二年後復養鷹犬又一年六月內患陰症而歿次子十歲赴水死以上數條余所見皆慘戮

生靈之報也一認師作中輿認破衆家私傷殘骨肉不計其數一日大腿腫痛堅硬如石疼苦異常常欲以繩繫足高懸梁上其疼乃止如放下疼卽如故予知孽報辭不可治似此兩月一日午時親友四人相看忽聞腿內大響一聲其腫卽歸大臀腫如巴斗其腿卽消臀腫痛不著將布兜懸挂其疼方可又兩月百苦而終又一年其妻徧身發腫如蠟作癢非常破流脂水其時孟冬天氣常欲赤身裸露其癢稍止如著衣被其癢卽生如蠱攻刺予知孽報亦辭之後至隆冬赤身流水而死此異常之報也所謂逆天害理雖由已古往今來放過誰決無漏網

仙方活命飲今古不同論第一百四十六

古人朴實其七情干涉者少而從風寒暑濕外感凝滯者多故設仙方活命飲攻散所滯之腫服此得效者十常八九由病者五臟不虛耳今人穿鑿太過七情煩擾過甚內臟無有不傷每見曾服過此藥其癢必不起發脾胃再無不損夫瘡不起發脾胃傷敗病者豈可得生故今之治法不論首尾標本先必固脾胃次行托藥病無不活愚見如此幸同道者察焉

徐曰此段直是亂道對症用藥無有不愈豈有古今之別 相案著書者於腫瘍方首列神授衛生湯而此乃痛駁仙方活命飲予取二方較之大略相同衛生湯僅少陳皮貝母沒藥而多羌活沉香紅花連翹石決明便秘者加大黃是其方更猛於活命飲乃是今而非古此與近人言方苞之文非望溪所及何異

拾遺證第一百四十七

拾遺者因條款分門未及細詳故有失載今補註於後以便觀覽

鼻疔生於鼻內痛引腦門不能運氣脹塞鼻竅甚者層腮俱腫 牙疔生於牙縫之中頂高突起痛連腮頰破則流血 黑疔生於口竅之內黑硬腐爛破流血水及腮疼顛 以上諸症俱先針刺次行發汗仍疔類調治喉癰生於咽外正中妨礙飲食紅腫熱痛必欲潰膿軟而脹痛者針之內服補托之藥土紅膏搽貼長肌完口

又有腐潰內通湯水隨孔出者曾治數人俱亦無妨 疔疽生在膊上連肩通腫脹長堅而硬 疔疽生在當
手動脈之處腫痛寒熱痛徹手膊舉動不便 鳳眉疽發在兩眉之間形長皮赤痛引腦戶二百合縫光腫發
熱 透腦疽發在額上髮際之間多發寒熱頭疼如研不可忍耐先用萬靈丹發汗散風邪次宜清托 附陰
疽生在內踝上三寸初生小泡漸至赤腫破流血水痛亦徹骨不能步履 咬骨疽發在大腿內股不腫不紅
痛徹骨髓初宜雷火針針入內服萬靈丹酒調服效 陰疽生於右腿夾縫之下二三寸痛連陰子小腹亦疼
元疽生於左腿夾縫之下寸漫腫連陰疼及大腿

淵疽發在脇下初起不紅堅硬久則破潰有聲如嬰兒啼狀徐曰奇症膏蓋無聲去膏仍有異哉難治之症也 梟

案王君士雄歸硯錄載潘氏子肋下腫潰竄孔甚巨孔中作聲如嬰兒啜泣吳江陳夢琴茂才希恕視之曰此

淵疽也證屬大虛固當補益但疽孔作聲則內膜已破氣從旁出矣非護其膜補亦徒施以人參白朮白朮
烏梅炭白蠟黃蠟象牙屑猪脊髓和爲丸令日三服以固氣仍持諸藥益以生肌之品製若糊餅塞疽口絲
綿裏青鉛窰其外大膏藥蓋之闊布纏縛其體三日一易復用生脈六味加龍蠟等品煎汁之如是二十餘
日其聲漸除三月餘而口斂 又案外科心法亦言聲如兒啼爲內膜已透可於陽陵穴灸二七壯其聲即
止將潰未潰多服護膜散白蠟白朮各等分研末輕者用一錢微重用二錢重者用三錢或酒或米湯調下
可免透膜

玉枕疽生在腦後枕骨中堅而難潰痛引眉項鼻塞氣粗此太陽膀胱濕熱凝滯而成 以上諸症初起有表

症者便宜解表有裏症者即與通利潰後宜補托久則宜收斂此爲一定治法不可亂投藥餌以致危亡

徐曰此篇當記

纏縛膏瘡法第一百四十八

凡發背對口等大瘡已潰流膿時冬夏宜絹帛四五層蓋在膏外繻再用藥布見方八寸蓋在絹外四角 用

皮細帶纒之扎在前胸綳實瘡肉庶瘡中暖氣不泄易於腐潰洗瘡時預備二綳更換務要瘡內暖氣烘烘此法最善故補載於此

癰疽內肉不合法第一百四十九

癰疽對曰大瘡內外腐肉已盡結痂時內肉不黏連者用軟綿帛七八層放瘡上以絹扎緊睡實數次內外之肉自然黏連一片矣有患口未完處再搽玉紅膏其肉自平

徐曰東洞庭劉某夫人患乳癰醫者用刀向乳頭上寸餘出毒瘡口向上膿反下注乳囊皆腐寒熱不食將成乳勞延予治之至九十日而未見功蓋病者柔弱畏痛既不敢於乳下別出一頭而膿水從上注下頗難出盡故有傳囊之患忽生一法用藥袋一個放乳頭之下用帛束縛之使膿不能下注外以熱茶壺熨之使藥氣乘熱入內又服生肌托膿之丸於是膿從上泛厚而且多七日而膿盡生肌又數日而全愈後以此法治他證無不神效

此條從洄溪醫案採入

煉元明粉法第一百五十

冬至後用潔淨朴硝十斤水一斗五升白蘆薈五斤打碎同入鍋內將硝煮化候湯滾足撈去蘆薈以綿紙二層鋪竹絲箕內架在新缸上將硝湯徐入箕內隨瀘隨添以湯瀘盡為度將缸移在天井露三日其硝結在缸內傾去餘水瀝乾為止將硝取下再用砂鍋頓炭爐上將硝一碗化開煎滾以銅匙攪攪將凝結時鏟入小魚酢罐內上空寸許餘硝陸續照上法煉畢每一罐下用三釘品字樣插入地中留寸半在外將罐淨頓釘頭上用瓦片蓋口周圍用段磚砌百眼鑪圍繞離罐寸半許著炭火入鑪內四圍底火頂火務要周圍候罐稍紅為度次日取出硝來預用大綿紙攤在潔淨陰土上將硝碾細用絹篩篩在紙上約一錢厚再不許多門窗俱關閉不令人見三日後其硝自然復活色白如粉輕虛成片將鉢盛貯內用紙蓋再放亂紙寸許以收潮氣庶不凝結此品最能降火化痰清利臟腑怪症服之可盡狂躁用之即愈搜除百病安斂心神不

傷元氣惟久病瀉痢者不宜大人每服三四錢小兒五分至一錢皆可俱用白滾湯或葱湯空心化服候行候行一三次隨飲稀粥自然神爽健臟腑調和津液頓生百病如失又煨過硝石六兩加硃砂三錢青黛一錢冰片一錢五分共研細末照前篩紙上再用紙蓋一層四邊以界尺壓緊勿令走氣候三日外取起密收又名陽春紫雪最治失心忘志顛癲健忘小兒急慢驚風大人異症每服五分至一錢俱用淡竹葉燈心湯化服屢有奇效不可盡述此乃神仙保命服食之品每一斤生熟甘草末二兩葱湯化服二三錢令人容顏悅澤輕身耐老 桐案元明粉乃推蕩腸胃之藥經煉稍緩耳以爲神仙服食之品誤人不淺 又案此下有取紅鉛法徐用筆勾去故不錄

煉金頂砒法第一百五十一

用鉛一斤小罐內炭火煨化投白砒二兩於化烱鉛上煉至烟盡爲度取起冷定打開金頂砒結在鉛面上取下聽用

煉硝石法第一百五十二

用潔淨朴硝半斤罐內炭火鎔化煎乾煨紅住火冷定取出卽成硝石罐收聽用利實火不利虛火也

取蟾酥法第一百五十三

蟾無大小俱有酥用鬪銅錘鑿蟾眉稜高肉上微緊拔出酥來凝聚錘裏多則括下陰乾聽用其取過之蟾避風二日仍送青草園中自然不傷其生如取之便見風下水俱成破傷風顛狂而死

製附子法第一百五十四

大附子要一兩以外者不拘幾枚以童便浸滄三寸每日換便夏浸二日冬五日再換童便煮盡一二香爲度去皮臍線穿陰乾或日中曬硬亦可收藏用

昇白靈藥法第一百五十五

水銀二兩用鉛一兩化開投入水銀聽用火硝二兩綠礬二兩明礬二兩共研爲末投入鍋內化開炒乾同水銀研細入泥護陽城罐內上用鐵蓋之兜以鐵梁梁之兩端用燒熟軟鐵線上下扎緊用紫土鹽泥如法圍口留出蓋面烘令十分乾燥架三釘上砌百眼爐圍之先加底火二寸點香一枝中火點香一枝頂火點香一枝預用小罐安滾湯在傍以筆蘸湯擦蓋內常濕勿乾候三香已畢去火罐待次日取起開出藥來如粉凝結盡底刮下收藏聽用凡瘡久不收口用此研細糝上少許其口易完卽尋帶收斂藥中用之功亦甚捷徐曰此藥除濕毒不收口之瘡餘俱有害世人皆以昇藥爲收口之聖藥其害無窮

製寒食麪法第一百五十六

用白麵一斤外再以麵半斤調稠捏成薄片一塊將前麵包合於中周圍捏緊合口於清明正日蒸熟挂透風

處陰乾將麪包藏勿經女手越久越效

製披針喉法第一百五十七

相案披當從羅掘經作鉞大針也

披針古多用馬銜鐵爲之性軟不鋒利用之多難入肉今以鋼鐵選善火候鐵工造之長二寸闊二分半圓柄扁身劍脊尖鋒兩邊芒利入肉深淺得心應手如釀寸深欲其口大直針進而料針出劃開外肉則口大矣喉針長六寸細柄扁頭尖鋒刺喉膿血令出

諸藥製法第一百五十八

前方諸藥未詳今開列於後不須製者不錄

人參

潤色明亮堅實爲上體飽不槁

天門冬

湯泡去心

麥門冬

去心

生地黃

酒洗

熟地黃

酒洗

白朮

米泔煮

蒼朮

米泔煮

黃耆

鹽水拌炒

甘草

消毒生用

酸棗仁

炒研

遠志

湯泡去心

五味子

炒研

肉蓯蓉

去鱗

牛膝

酒洗

破故紙

炒

當歸

酒洗

白芍

微炒

白茯苓

去刺

元參

去根

香附

童便浸炒

柴胡

去蘆

黃芩

酒炒

黃連

解毒生用

龍膽草

酒炒

知母

鹽水拌炒

瓜蒌仁

去殼

貝母

去心

陳皮

去白

枳椇

微炒

防風

去蘆

乾薑

炒黑

附子

童便浸煮

半夏

姜汁水煮

川烏

湯泡去皮

草烏

湯泡去皮

巴戟

湯泡去心

南星

礬有爲末入

威靈仙


去根

仙茅

米泔

手腫兌宮難硬灸艮宮腰項也須休離宮膝脅針離下坎肘還連肚脚求爲醫精麟尻神訣萬病無干禁忌憂

尻神圖



此圖一歲起坤二歲起震逐年順飛九宮週而復始行
年到蘭則所主症切忌針灸俱勿犯之否則變生他病

醫家五戒一第百六十三

一戒無論病家大小貧富有請便往勿得遲延厭怠藥金勿計校輕重一例盡心施治自然生意日增不傳方寸

二戒凡遇婦女及孀婦尼僧人等必候侍者在傍然後入房診視倘侍者偶不在傍更宜謹避嫌疑真誠診視歸對妻子亦不可妄談閨闈

三戒不得出脫病家珠珀珍貴等物送家合藥暗中調換如果該用令彼自製庶無疑謗

四戒凡爲醫者勿耽嗜好恐志慮紛馳勿晏起勿無事他出致就診者守候無時切必當用意竄方務要依

經不可胡亂杜撰受人批駁

五戒凡娼妓及私夥家請看亦當視如良家子女勿存他意兒戲以取不正之名視鼻便回貧窮者藥盒可壁病愈不可再往

醫家十要第一百六十四

一要先明儒理然後習醫或內或外勤讀古書手不釋卷一一參明融化得之於心應之於手臨症時自無差謬

二要選買藥品必遵雷公炮製或依方修合或隨症加減湯散取辦於臨時丸丹預製於平日膏藥愈久愈靈線藥越陳越好藥不吝珍施必護潔

三要凡鄉井同道之士不可傲慢輕侮年尊者恭敬之有學者師事之名重而自高者遜讓之技精而未顯者薦拔之如此目無謗怨

四要治家須與治病同人不惜元氣斷喪太過則百病生醫不顧來源靡費太過則百用窘能治家然後養生有資不致視病人爲奇貨

五要人受命於天醫者受人謝儀當知天道順逆順取者吉逆取者凶不論多寡是謂順取勒索厚資是謂逆取天即因其順逆爲報應不可不做

六要凡里中親友人情如婚喪疾病慶賀及饋送來往之禮不可求奇好勝每食只可一魚一菜一則省費二則惜祿至病人之家尤不可苛求飲食

七要貧窘之家及遊食僧道衙門差役人等凡來看病不可要他藥錢只當奉送貧窘至極者當量力資助不然有藥無食活命亦難

八要凡有所蓄隨其多寡便當置買產業以爲根本不可收買玩器及不急物件浪費錢財醫本仁術有餘則

以施藥可也

九要凡店中所用醫藥器具俱要精備齊整不得臨時缺少又古今前賢及近時名公新刊醫書必尋究參閱以進學問

十要凡奉官衙所請必當速去毋得怠緩要誠意恭敬告明病源開具方藥病愈之後不得圖求匾禮亦不得請託人情致生罪戾以上五戒十要乃保身保家之法當置座右朝夕省覽賢能子孫遵而行之可以成家立業若不聽信必有肌寒不足之憂悔何及矣 梟案五戒十要著書者蓋以垂爲家訓故原本有與醫無涉者余於全書俱順支刪改不參己意獨此稍爲增益爲業醫者告焉勒索厚資尤外科包醫惡習所望讀此而幡然改悔也

許樞曰古人言醫不三世不服其藥蓋以其閱歷深而傳授精也徐氏謂外科必須傳授亦是此意然不如身嘗其苦者知之尤確王洪緒全生集有云凡疽初起即使平塌不可用託託則成功余家治法以消爲貴以託爲畏卽流注癰癤惡核儻有潰者仍不敢託託則潰者雖斂增出者又當如何耶眞外科千古名言非余身經體驗不知憶余三十歲時石大腿後患一癰初起紅腫疼痛根盤約有寸餘自揣非攻託不可敷藥並消散湯劑悉屏棄不用服攻託藥三數劑遂大如茶杯膿尚未成更用大劑攻託根盤愈大痛不可言膏藥自後面環至前面幾無罅隙及內膿已熟頭尚未穿用鹵頭膏破膿泄如注方能不痛自此按之有膿卽換貼膏藥并重糝呼拔末藥每日換下膏藥總有一竹箕瘡口大如拇指凡十二日而收功自以爲用藥精而手段佳實不知攻託之爲慮不淺矣近二十年來患對口者數次患者疽小腹癰者又各二三次卽服西黃丸隨服隨消戊午年頭面生疔疽十一個甚危驗亦賴西黃丸之力居多今年庚申正月背左又患一疽漫腫無頭顏色不變越日卽如猪肝色長約三寸闊二寸餘第三日有頭數十個其點甚細兩旁尚有漫腫無頭者第四日有淡黃硬膿約半粒米大旁腫處亦照前變猪肝色第五日硬膿轉爲軟膿並無稠水揭膏藥時膿卽黏下瘡口深約半分細如綫香其數頭并爲一頭者稍大裏面尚有老膿仍蓋膏藥第六日膿頭隨膏藥揭出已是精肉第七日長平第八日有嫩皮自此不換膏藥至第十二日瘡甚揭看已是老皮並不結痂亦無疤迹合計數十頭所出之膿不及一匙惟最後一頭出稀膿三日乾膿兩日而愈所用之藥初時外敷紫蟾錠內服皂角刺四兩生甘草三錢兩劑後接服西黃丸小金丹陽和湯隨後調理脾胃益信全生集以消爲貴以託爲畏二語眞外科金鑑而西黃丸爲消藥第一卽角刺消散之力亦甚大大概用角刺不過五六分至二三錢而止便是託藥用至四兩方是消藥但服後如未成膿卽消儻已有膿則必大痛而出膿較速不至蔓延卽是功效此皆余歷經體驗得來特揭出爲世之業瘍醫者告焉

種又曰紫蟾錠者合紫金丹蟾酥錠二方而成用作消藥極驗無論陰陽二毒皆可敷二方已見此書疔癰門但分合鉢兩不同藥味亦有加增今另載如左

山茨菰二錢去毛皮焙

川文蛤二錢去蛙末炒

千金霜一錢去油淨

紅芽大戟一錢五分去蘆根洗淨焙惟須杭州紫大戟爲佳北方縣大戟性烈不堪用

原麝香一錢揀淨毛皮

明礞砂二錢漂淨

雄黃一錢揀鮮紅者

寒水石三錢煨

銅綠一錢

胆礬一錢

明乳香一錢去油淨

沒藥一錢去油淨

蜈蚣二錢去頭足炒

全蠍一錢酒炒

川山甲一錢

僵蠶一錢洗去絲炒

蟾酥二錢酒化

血竭一錢

梅花冰片五分

枯礬一錢

藤黃四錢酒化

輕粉五分

紅砒三分

皂角刺一錢炒

以上各研各藥每味若干稱准淨末合一處再研極細先用蝸牛二十一個微搗去殼再同蟾酥藤黃和研稠黏方入各藥共搗極勻做成小錠放石灰罈中瓶裝盛聽用

種又曰是書第七卷流注門附載大活絡丹一方內有白花蛇李瀕湖本草綱目云此蛇出黔蜀及蘄州以蘄產爲上蘄產者龍頭虎口黑質白花脅有二十四方勝腹有念珠斑尾有佛指甲死後兩眼突出不閉非蘄產者兩眼皆閉而枯卽蘄州交界所出便一開一閉以此辨別地道最確以鮮時重四五兩者爲上七八兩者次之重數斤長一丈數尺者力反薄不堪用今藥肆所售僞者居多甚至取尋常初出小蛇重不過數錢者用五色花綫繞紮成餅以炷人目兩眼俱陷無方勝及佛指甲等形烏稍蛇亦蘄產以背有劍脊形者爲真他產則否大活絡丹以此二蛇爲最要之品此品一僞則丹爲朽藥矣

捐案是書將刻峻仲兄郵示此數條余反復推詳所論實爲瘍醫指南因檢閱各卷無從購入特附於絃文